

Raporti Vjetor i RrGGK 2014

© Rrjeti i Grupeve të Grave të Kosovës, dhjetor 2014

Të gjitha të drejtat janë të rezervuara. Ky publikim mund të kopjohet dhe të shpërndahet në tërësi apo pjesërisht, duke u cituar autorët. Ky publikim është realizuar me mbështetjen e Kvinna till Kvinna dhe Austrian Development Agency. Qëndrimet në këtë publikim janë qëndrime të Rrjetit të Grupeve të Grave të Kosovës dhe nuk paraqesin në asnjë mënyrë mendimet e Kvinna till Kvinna dhe Austrian Development Agency.

www.womensnetwork.org

Printuar në letër të riciklueshme nga Night Design në Prishtinë, Kosovë.

Printuar me mbështetjen e:

 Austrian
Development Cooperation



Kvinna till Kvinna

Raporti Vjetor i RrGGK 2014



PËRMBAJTJA

LETRA E KRYETARES SË BORDIT TË RrGGK.....	4
HYRJE	7
Rreth Raportit Vjetor të RrGGK.....	8
NGRITJA E KAPACITETEVE TË RrGGK.....	9
Sigurimi i një komunikimi dhe bashkëpunimi të rregullt dhe të vazhdueshëm mes anëtareve të RrGGK dhe palëve tjera të intersit	10
Përmirësohen kapacitetet institucionale të RrGGK dhe anëtareve të saj drejt ngritjes së kapaciteteve avokuese dhe qëndrueshmërisë afatgjate të rrjetit	16
Rritet bashkëpunimi mes grave në rajon (dhe më gjërë) drejt drejtësisë tranzicionale, paqes dhe sigurisë.....	22
RRITJA E PJESËMARRJES SË GRAVE NË POLITIKË DHE VENDIM-MARRJE.....	24
Rritet dhe përmirësohet pjesëmarrja e grave në politikë dhe vendim-marrje në nivel komunal dhe kombëtar	24
Në vitin 2014, RrGGK ka fuqizuar dhe ka inkurajuar më shumë gra të kandidojnë për pozita vendim-marrëse në nivel komunal dhe kombëtar.	24
PËRMIRËSIMI I QASJES SË GRAVE NË KUJDESHIN SHËNDETËSOR CILËSOR.....	33

Përmirësimi i qasjes së grave në kujdesin shëndetësor cilësor	33
JETA PA DHUNË NË FAMILJE DHE TRAFIKIM	35
Rritet vetëdija publike për legjislacionin dhe mënyrat se si të kërkohet ndihma	35
MBËSHTETJA PËR FUQIZIMIN EKONOMIK TË GRAVE.....	37
Përmirësohet gradualisht pozita ekonomike e grave në Kosovë.....	37
Përmirësohet qasja e grave në prona (dhe kështu edhe në kapital), në përputhje me të drejtat e tyre ligjore	38
Iniciativa të rëndësishme: RrGGK lansoi Strategjinë e re.....	40
VLERËSIMI I PUNËS SË RrGGK.....	41
Përparimi drejt përmbushjes së Planit Strategjik të RrGGK 2011-2014, në vitin 2014.....	42
RAPORTI FINACIAR I RrGGK PËR VITIN 2014	53
PËR NE	61
Organizatat Anëtare të RrGGK	66
Shtojca 1. Grantet e Fondit të Grave të Kosovës në vitin 2014.....	72
Shtojca 2. Të arriturat e avokimit nga Grupet Avokuese për Barazi Gjinore (GABGj) në vitin 2014	80

LETRA E KRYETARES SË BORDIT TË RrGGK

Të nderuar/a anëtar/e të Rrjetit të Grupeve të Grave të Kosovës,

Po e leme mbrapa një vit të përmbushur me punë, suksese por edhe sfida. Si përfaqësuese të denja të grave dhe vajzave kemi arritur t'i tregojmë sadopak vendimmarrësve se cilat janë nevojat dhe interesat e grave në procese të ndryshme që po kalon Kosova. Meqë gratë dhe vajzat janë një grup divers, konstant i ndryshueshëm në bashkëbisedim të ngushtë me to, kemi arritur që t'i identifikojmë mënyrat më të mira për t'i fuqizuar gratë dhe t'i sjellim në proceset e rëndësishme vendimmarrëse.

Do të veçoja Fondin e Grave të Kosovës si një projekt të përzgjedhur dhe punuar me shumë kujdes. Projekte të tilla si përkrahja e lëvizjes së lirë të grave me nevoja të veçanta që me vite nuk kanë pasur qasje në institucionet publike për shkak të mungesës së pjerrinave në Komunën e Prizrenit; pastaj reflektimi i perspektivës gjinore në proceset vendimmarrëse komunale si në Komunën e Novobërdës kur për herë parë u reflektuan kërkesat e grave në buxhetimin komunal; si dhe punësimi i grave në Dragash pas trajnimeve të marra nga përkrahja e Fondit të Grave, ka mundësuar që gratë të dalin nga sfera private familjare në sferën publike me anë të punësimit. Të gjitha këto janë bërë me anë të një përkushtimi të stafit dhe punës së përgjegjshme të Rrjetit të Grupeve të Grave të Kosovës (RrGGK) por



më tepër nga puna e pandërprerë dhe e përkushtuar e vetë anëtareve të RrGGK-së. Nënshkrimi dhe vazhdimi i kontratës për tre vite lidhur me Fondin e Grave të Kosovës ndërmjet RrGGK dhe Austrian Development Agency (ADA) e tregon se një përkushtim i tillë i vazhdueshëm është vlerësuar dhe RrGGK është parë si një partner kryesor dhe strategjik për përfaqësimin e grave dhe vajzave në Kosovë.

Do të veçoja poashtu edhe hartimin dhe lansimin e fundit të Strategjisë së RrGGK për vitet 2015-2018. Duke identifikuar sfidat e ndryshme reale me të cilat po ballafaqohen gratë sot në Kosovë në komuna, fshatra dhe qytete me statuse dhe nevoja të ndryshme, RrGGK do të vazhdon që me hapa të vegjël por të sigurtë të përkrah dhe avokoj për realizimin e potencialit të plotë të grave dhe vajzave. Nga avokimi për fuqizimin ekonomik të grave dhe qasjen e grave në burimet ekonomike; avokimi për kujdesin shëndetësor kualitativ dhe me qasje të lehtë për gratë dhe vajzat; si dhe avokimi që gratë në politikë dhe vendimmarrje të përfaqësojnë me dinjitet interesat dhe nevojat e grave duke kërkuar që dhuna ndaj grave të dënohet si formë e cila vazhdon të mbaj gratë në sferën private dhe të mbaj pushtetin familjar dhe real në vendimmarrje me anë të dhunës së ushtruar.

Një shoqëri ku gratë dhe vajzat kanë mundësinë të realizojnë potencialin e tyre të plotë në të gjitha sferat dhe të japin kontributin e tyre në ndarjen dhe shpërndarjen e resurseve shoqërore në mënyrë të barabartë duke marrë parasysh interesat dhe nevojat e çdo individi, mbetet një moto për punë të vazhdueshme dhe të pandalshme të RrGGK edhe për vitet që po vijnë. Kosova ka edhe shumë çmime



të merituar dhe të denja të ofroj për shoqërinë tonë sikurse Majlinda Kelmendi, nëse do i japim mundësinë që vajzat të shprehin potencialin e tyre të plotë.

Ju dëshiroj suksese dhe punë të vazhdueshme dhe të përgjegjshme edhe në vitin që po vjen, me dëshirën që motoja jonë të bëhet realitet.

Sinqerisht,

Ariana Qosaj-Mustafa

Kryetare e Bordit

Rrjeti i Grupeve të Grave të Kosovës



HYRJE

Vizioni i RrGGK

Rrjeti i Grupeve të Grave të Kosovës (RrGGK) parasheh që në shtetin e Kosovës gratë dhe burrat të jenë të barabartë dhe të kenë mundësi të barabarta për arsimim, punësim, pjesëmarrje në politikë, kujdes shëndetësor dhe një jetë pa dhunë.

Misioni i RrGGK

Misioni i rrjetit është që të përkrahë, të mbrojë dhe të promovojë të drejtat dhe interesat e grave dhe vajzave në tërë Kosovën, pavarësisht nga bindjet e tyre politike, feja, mosha, niveli i arsimimit, orientimi seksual dhe aftësitë. RrGGK përmbush misionin e saj përmes shkëmbimit të përvojave dhe informatave, partneriteteve dhe rrjetëzimeve, hulumtimeve, avokimit dhe të shërbimeve.

Strategjia e RrGGK

Për të përmbushur këtë mision, RrGGK ka hartuar Planin Strategjik për periudhën 2011-2014. Qëllimi i kësaj strategjie është që të drejtojë punën e RrGGK-së gjatë kësaj periudhe. Strategjia është përpiluar me të dhëna nga organizatat anëtare të rrjetit, bordi drejtues, partnerët dhe palët tjera relevante. Kjo strategji e RrGGK-së është e ndarë në pesë fusha programatike: I) Ngritja e kapaciteteve të RrGGK; II) Gratë në politikë dhe vendim-marrje; III) Shëndeti i grave; IV) Dhuna në familje dhe trafikimi; dhe V) Fuqizimi ekonomik i grave. Anëtarët e rrjetit kanë identifikuar këto si fushat kryesore në të cilat RrGGK duhet të fokusohet më shumë.

Rreth Raportit Vjetor të RrGGK

Çdo vit rrjeti raporton te anëtarët e veta, te partnerët dhe miqtë lidhur me përparimin që është bërë drejt arritjes së objektivave strategjike. Ky raport fillestar, i përgatitur për kuvendin vjetor të anëtareve të RrGGK-së, që mbahet në dhjetor të vitit 2014, përmban informata lidhur me aktivitetet e RrGGK nga 1 janari deri më 31 dhjetor të vitit 2014. Ky raport është i ndarë në pesë pjesë në të cilat përfshihen objektivat afatgjata të rrjetit:

- Ngritja e kapaciteteve të RrGGK-së
- Mbështetja e pjesëmarrjes së grave në politikë dhe në vendim-marrje
- Pëmirësimi i qasjes së grave në kujdes shëndetësor
- Zvogëlimi i dhunës në familje dhe trafikim
- Mbështetja për fuqizimin ekonomik të grave

Në këtë raport, prezantohen të arriturat dhe rezultatet për vitin 2014. Gjithashtu, reflekton të arriturat në Planin Strategjik 2011-2014, i cili përfundon këtë vit. Në fund, raporti përmban informata rreth buxhetit, mbështetësve, bordit drejtues, bordit këshillëdhënës, stafit, praktikanteve, vullnetareve dhe anëtareve.



NGRITJA E KAPACITETEVE TË RrGGK

Qëllimi kryesor i programit për ngritjen e kapaciteteve të RrGGK është që grupet dhe organizatat e grave në Kosovë, rajon dhe më gjërë, të kenë bashkëpunim dhe komunikim të rregullt, si dhe të organizohen kur janë në pyetje çështjet me interes të përbashkët. Gjatë vitit 2014, RrGGK kishte arritur këto rezultate, që kontribuan në arritjen e këtij qëllimi, siç ishte paraparë në Planin Strategjik:



Anëtarët dhe stafi i RrGGK, gjatë takimit në Durrës, Shqipëri, me 7-10 nëntor.

Sigurimi i një komunikimi dhe bashkëpunimi të rregullt dhe të vazhdueshëm mes anëtareve të RrGGK dhe palëve tjera të intersit

RrGGK siguroi komunikim dhe bashkëpunim të rregullt dhe të vazhdueshëm mes anëtareve të saj dhe palëve tjera të interesit përmes takimeve të rregullta rrjetëzuese. Takimet vjetore krijuan një hapësirë të sigurtë për gratë aktiviste për të diskutuar çështje të rëndësishme të sigurisë për ato dhe tema të ndryshme tabu, si dhe për të reflektuar e ndërtuar solidaritet.

Anëtares e RrGGK të informuara me iniciativat e anëtareve tjera, aktivitetet e RrGGK, mundësitë e financimit, si dhe informata të tjera të dobishme

RrGGK ka organizuar pesë takime dymujore të anëtareve dhe një takim vjetor në Durrës përmes të cilave 388 anëtare, partnerë dhe përkrahës të ndryshëm kanë shkëmbyer informata; u organizun së paku pesë iniciativa të përbashkëta; dhe u informuan për aktivitetet që po zhvilloheshin në vazhdimësi nga RrGGK dhe nga organizatat tjera. Gjatë takimeve, anëtares e RrGGK-së kontribuan në planifikimin e Strategjisë së re të RrGGK-së 2015-2018, zbatimin e strategjisë egzistuese dhe monitorimin e vlerësimit e punës së RrGGK-së. RrGGK poashtu ka organizuar takimin vjetor ku u diskutua për arritjet e sfidat e vitit 2014.




Puna e RrGGK dhe e anëtareve të saj më e promovuar tek partnerët potencial, tek aktivistet e grave në mbarë botën dhe tek përkrahësit potencial

RrGGK rregullisht ka promovuar punën e anëtareve të saj në faqen e internetit të RrGGK-së, faqen e Facebook-ut, dhe buletin elektronik mujor *Zëri i Grave Kosovare*. RrGGK ka rritur numrin e ndjekësve në Facebook nga 94 sa ishin në vitin 2012 në 3,995 në vitin 2014. Në Facebook është mbyllur grupi i Iniciativës për Fuqizimin e Vajzave dhe është zëvendësuar me një faqe tjetër që ka 1,568 ndjekës. Ky ndryshim ka ardhur pas kërkesës së anëtareve të atij grupi në mënyrë që informatat të shpërndahen më lehtë. Së fundmi, RrGGK ka hapur një faqe tjetër në Facebook të emërtuar “FemACT” që së shpejti do ta zëvendësoj Iniciativën për Fuqizimin e Vajzave. Kjo faqe tani ka 370 ndjekës. Gjithashtu, RrGGK menaxhon faqen e re “Lobi për Barazi Gjinore” që ka 360 ndjekës.

Gjatë vitit 2014, RrGGK kishte 40,601 vizitorë në faqen e saj të internetit dhe 20,186 vizitorë unik. Sa i

përket ndërvëprimit me faqen e internetit të RrGGK-së (“të klikuarit përreth”), ishin **525,363** klikime. RrGGK ka shpërndarë përmes e-mailit dhe Facebook-ut, informata për punën e anëtareve të saj më



Grafiku 1. Ndjekësit e faqes së RrGGK në Facebook gjatë vitit 2014 sipas moshës dhe gjinisë

shumë se 21 herë gjatë vitit 2014. RrGGK poashtu ka shkruar artikuj për punën e anëtareve në buletinin mujor *Zëri i Grave Kosovare*, i cili lexohet kudo nëpër botë. RrGGK është përpjekur që të gjitha publikimet dhe shumë prej informatave të publikuara në internet (shpeshherë edhe me mungesë të fondeve për përkthim) t'i ketë në dispozicion në tri gjuhë: shqip, anglisht dhe serbisht.

Një mënyrë tjetër, përmes së cilës RrGGK synon të kontribuojë në dukshmërinë e anëtareve të saj është Iniciativa e Historisë Gojore e Kosovës. Kjo iniciativë përfshin gra të gjeneratave të ndryshme, kombësive dhe lëmive të llojllojshme, misioni i së cilës është të regjistrojë histori të jetës së kosovarëve. Është inicuar si bashkëpunim mes RrGGK-së dhe *New School for Public Engagement* (NY). Faqja e internetit, <http://oralhistorykosovo.org/sq/>, u lansua në maj të vitit 2014. Kjo faqe e internetit përmban intervista të xhiruara; transkriptat në gjuhën angleze, shqipe dhe serbe; rrëfime të shkurta; dhe fotografi që paraqesin jetën e përditshme të personave të intervistuar.



Nadire Dida njëra nga mësueset e para në Prishtinë

Kumtesat e dërguara për media nga RrGGK në vitin 2014

1. One Billion Rising (Një Miliardë në këmbë) (14 shkurt)
2. Rivendosja e fotografive të të pagjeturve (8 mars)
3. RrGGK shpreh ngushëllime me rastin e vdekjes së Dr. Gani Demolli (18 mars)
4. RrGGK dënon dhunën e ushtruar ndaj të moshuarës Xhyllë Dërguti në KK Skënderaj (24 mars)
5. Rrjeti i Grupeve të Grave të Kosovës publikon raportin Buxhetimi për Mirëqenien Sociale (1 korrik)
6. Drejtoresha Ekzekutive e RrGGK-së, anëtare e Grupit Këshillues të Kombeve të Bashkuara lidhur me Rezolutën 1325 (7 gusht)
7. RrGGK dënon krimin e dyfishtë në Suharekë (25 gusht)
8. “Gratë bëjnë thirrje për paqe” në gjithë botën (19 shtator)
9. Reagim për tekstin në librin e Profesor Vesel Latifit (20 tetor)
10. Shënohet 14 vjetori i Rezolutës 1325 (31 tetor)
11. RrGGK lanson Strategjinë e re 2015-2018 dhe shfaq Dokumentarin për Fondin e Grave të Kosovës (20 nëntor)
12. Themelohet Lobi për Barazi Gjinore në Kosovë (21 nëntor)
13. Forumi Feminist FemACT organizon marshim kundër ngacmimeve seksuale në hapësira publike si pjesë e fushatës #TakeBackTheNight (27 nëntor)
14. RrGGK dhe ADA nënshkruan kontratën tre vjeçare për avancimin e të drejtave të grave (28 nëntor)
15. Prona nuk ka gjini, ka trashëgimtarë! (2 dhjetor)
16. RrGGK është me Shyhreten dhe me Rektorin (6 dhjetor)
17. Lobi për Barazi Gjinore i pakënaqur dhe i zhgënjyer me numrin e grave përfaqësuese në qeverinë e re

Të gjitha letrat dhe deklaratat për shtyp janë në dispozicion në faqen e internetit të RrGGK.



Më shumë aktiviste të reja të përfshira në RrGGK, FemACT

RrGGK ka angazhuar 323 vajza të reja në lëvizjen e grave të Kosovës dhe më gjërë që nga viti 2011. Iniciativa për Fuqizimin e Vajzave, Forumi i Feministeve të Reja, Shkolla Verore Feministe (shih më poshtë) dhe ofrimi i mundësive për kryerjen e punëve praktike për vajza që janë fuqizuar si vajza udhëheqëse.

Në vitin 2014, pjesëmarrëset në Iniciativën për Fuqizimin e Vajzave të përkrahura nga RrGGK, vendosën ta ndërrojnë emrin e grupit në FemACT, me moton: “Diskutojmë, por edhe veprojmë.” Emri i tyre synon të sjellë fjalën feminizëm në organizimin e tyre, dhe njëherit të krijojë hapësirë për djemtë të cilët përkrahin feminizmin që t’iu bashkangjiten në përpjekjet për të arritur barazi gjinore. FemACT vazhdoi takimet konsultuese me vajzat dhe djemtë në pesë komuna: Prishtinë, Gjiilan, Mitrovicë, Prizren dhe Gjakovë. Këtë vit, bazuar në të dhënat egzistuese deri me 30 nëntor, edhe 45 vajza e djem iu bashkangjitën kësaj iniciative, duke e ngritur numrin e anëtarëve të FemACT në 195. Takimet rezultuan me informata për Strategjinë e FemACT për vitet 2014-2017, të cilën ata po e përdorin si platformë për avokim të përbashkët. Të gjitha objektivat, aktivitetet dhe indikatorët brenda strategjisë janë identifikuar

“Po ju shkruaj sepse dua të ju përgëzoj për punën që po bëni. Përgëzime për kurajon që po tregoni. Ju po na bëni të ndihemi të motivuar. Më ka pëlqyer shumë idea e fushatës dhe ju dëshiroj suksese për aktivitetet që lidhen me projektin. Dua të di se si mund të bëhem anëtare e kësaj iniciative, pasi që jam shumë e interesuar të jem aktive në lëvizjen feministe.”

- Koment në Facebook



nga pjesëmarrësit e FemAct. Prandaj, edhe pse RrGGK përkrahë Iniciativën e tyre, iniciativa mbetet në duart e vajzave dhe djemve. Grupet e aktivistëve të rinj janë të angazhuar në shumë iniciativa në nivel lokal.

Nga 29 nëntor deri më 1 Dhjetor, 59 vajza dhe djem anëtarë të FemACT u mbledhën në përvjetorin e dytë të Forumit Feminist për të planifikuar iniciativa avokuese dhe për të avokuar drejtëpërdrejtë tek zyrtarët lidhur me çështjet e identifikuara si prioritate për vajzat.



Anëtarët e FemACT u mbledhën për forumin e dytë feminist me 29 nëntor deri me 1 dhjetor.

Kjo përfshin edhe organizimin e iniciativës #TakeBackTheNight për herë të parë në Kosovë, duke përdorur rrjetet sociale dhe duke organizuar një marshim për të nxitur debat publik lidhur me ngacmimet seksuale dhe ato në rrugë që rrezikojnë vajzat. Iniciativa ndezi debate e diskutime të nxehta nga shumë njerëz në media dhe rrjete sociale. Përveç FemACT, RrGGK poashtu ofroi mundësi për kryerjen e punës praktike për 5 vajza duke përfshirë edhe tre të tjera si vullnetare. Kjo u jep mundësi vajzave që si pjesë e lëvizjes së grave në Kosovë, të aftësohen në organizim dhe avokim.

Përmirësohen kapacitetet institucionale të RrGGK dhe anëtareve të saj drejt ngritjes së kapaciteteve avokuese dhe qëndrueshmërisë afatgjate të rrjetit

Punëtoritë, mentorimi dhe Fondi i Grave të Kosovës kanë përkrahur anëtarët e RrGGK-së në fuqizimin e organizatave të tyre.

Ndërmirren hapa për rritjen e zbatimit të Kodit të Mirësjelljes në mesin e anëtareve

RrGGK vazhdon zbatimin e Planit për Ngritjen e Kapaciteteve për Anëtarët, drejt krijimit të mundësive për ato që ta zbatojnë më tutje Kodin e Mirësjelljes së RrGGK-së, dhe që të ngrisin kapacitetet e tyre.

Këtë vit RrGGK ka organizuar tetë punëtori interaktive për anëtarët e saj: Përpilimi i Manualeve të Politikave; Të kuptojmë sistemin e taksave të Kosovës; Metodatat e hulumtimit; Fuqizimi i misionit dhe vizionit të organizatës; Angazhimi i bordit të organizatës suaj; Monitorimi dhe vlerësimi; Indikatorët për matjen e ndryshimeve; Arti dhe avokimi; dhe Përfshirja e mediave. Në vitin 2014, stafi i RrGGK-së poashtu ofroi mentorim individual për së paku 70 organizata anëtare. RrGGK ka ofruar shërbime pa pagesë për anëtarët lidhur me fushën e marrëdhënieve me publikun,



Delina Fico, anëtare e Bordit Këshillues të RrGGK-së nga East-West Management Institute mentoron anëtarët e RrGGK-së në shkruarjen e misionit dhe vizionit.



përkthime, shkrim të projekt-propozimeve, buxhetim dhe menaxhim financiar.

Deri më tani, RrGGK ka vizituar 81 organizata anëtare për të evidentuar përparimet e bëra në zbatimin e *Kodit mbi Etikën dhe Përgjegjësitë e RrGGK-së*. Kjo do të përdoret për të matur përparimin e bërë në dy vitet e fundit, si dhe për të krijuar një [Plan të ri për Ngritjen e Kapaciteteve](#) për anëtarët e RrGGK-së, që do të shërbejë si udhëzues për dhënien e përkrahjes për ngritje të kapaciteteve të tyre në të ardhmen.

Anëtarët e RrGGK aftësohen për të ngritur fonde, për të planifikuar në mënyrë më efektive dhe për të ndërmarr iniciativa më efektive avokuese

Duke u bazuar në punëtoritë dhe mentorimin, dhe duke përcjellur arritjet e vitit 2013, RrGGK ka vazhduar të mbështes organizatat e saj anëtare në vitin 2014 përmes Fondit të Grave të Kosovës në zhvillimin e kapaciteteve të tyre për ngritje të fondeve, planifikim dhe avokim. Organizatat anëtare të RrGGK janë aftësuar për shkruarjen e projekt propozimeve, në krijimin dhe mirëmbajtjen e databazave të vlerësimit dhe sistemeve financiare, në shkrimin e raporteve narrative dhe financiare, realizimin e hulumtimeve, dhe planifikimin e fushatave avokuese. Për disa nga këto organizata, ishte hera e parë që kanë bërë hulumtime, kanë analizuar të dhëna, si dhe që i kanë prezantuar të gjeturat tek palët e interesit. Kjo u ka mundësuar atyre të avokojnë në mënyrë profesionale duke u bazuar në fakte.



Anëtarët e RrGGK-së krijojnë plane të monitorimit dhe vlerësimit gjatë një trajnimit të udhëhequr nga stafi i RrGGK-

Këtë vit, në Fondin e Grave të Kosovës janë dorëzuar 41 projekt propozime nga anëtarët e RrGGK. Organizatat anëtare kanë implementuar 27 iniciativa në 16 komuna të Kosovës, me përkrahjen e Kvinna till Kvinna (KtK), Austrian Development Agency (ADA) dhe Fondacioni IPKO, duke arritur shumë prej **66,338€**. Nga vjeshta e vitit 2012 deri me 31 dhjetor 2014, si rezultat i këtyre iniciativave kanë përfituar **3,433 persona**, përfshirë personat me aftësi të kufizuara, personat nga zonat rurale, personat e etnive të ndryshme (turq, goranë, serbë, romë, ashkali, egjiptianë, boshnjakë dhe shqiptarë), të rinjë dhe pensionerë.

Fondi i Grave të Kosovës, gjithashtu ka arritur të rrisë bashkëpunimin mes organizatave anëtare të RrGGK. Këtë vit, përveq **Granteve Avokuese Individuale** (deri në 3,000 €), RrGGK ka ofruar edhe **Grante Avokimi në Partnership për Ndryshim** (deri në 8,000 €). Kjo e fundit, u jep mundësi dy organizatave të aplikojnë për një iniciativë të përbashkët. Për shembull, bashkëpunimi mes Shoqatës për Edukim dhe Përkujdesjen e Familjes nga



Anëtarët e RrGGK-së nënshkruajnë kontratat për grante nga Fondi i Grave të Kosovës.



Gjakova dhe OJQ Gruaja Hyjnore nga Gjlani, ka rezultuar në krijimin e një plani avokues për nivelin qëndror lidhur me lëndën mësimore të edukimit shëndetësor. OJQ-të Ruka Ruci dhe Dera e Hapur bashkëpunojnë për t'i informuar më mirë gratë mbi barazinë gjinore duke i përkrahur në zbatimin e Ligjit për Barazi Gjinore në nivel lokal.

Deri në fund të vitit 2014, përmes granteve të Fondit të Grave të Kosovës, anëtarët e RrGGK-së kanë ndërmarrë së paku 25 iniciativa avokuese dhe kanë përfshirë **1,832** gra në procese vendim-marrëse. Bashkëpunimi i frytshëm i tyre me zyrtarët për barazi gjinore dhe kryetarët e komunave iu ka mundësuar që të avokojnë me sukses dhe të bëjnë ndryshime të politikave në nivel lokal. Këto arritje ndihmuan gratë që të kenë më shumë qasje në institucione lokale, si nëpër shkolla, spitale, kuvende komunale, gjykata dhe departamente të ndryshme komunale. Në disa komuna, gratë kanë përfituar shërbime pa pagesë. Deri më tani, gjatë këtij viti, 11 iniciativa avokuese kanë arritur rezultatet e tyre të parashikuara:



1. Shoqata Hendifer avokoi te zyrtarët e kuvendit komunal në Ferizaj që spitali të ketë aparat të mamografisë me të cilin gratë mund të bëjnë kontrollat e kancerit të gjirit. Falë avokimit të suksesshëm, sot spitali i Ferizajit posedon dy aparate të mamografisë.
2. Shoqata Iniciativa e Grave avokoi te kryetari i komunës të Dragashit që të ndihmojë punësimin e vajzave në fabrikën e sapo hapur në Dragash. Prej gjithsej 33 vajzave të cilat kanë ndjekur kursin e rrobaqepësisë të Iniciativës së Grave, 24 janë punësuar në këtë fabrikë.
3. Organizata e Personave me Distrofi Muskulare me sukses avokoi tek kuvendi komunal i Prizrenit që personat me nevoja të veçanta të kenë qasje me karroca në institucionet publike.
4. OJQ Gruaja Bashkëkohore avokoi te Drejtoria e Shëndetësisë në Komunën e Prizrenit që gratë e shoqatës të bëjnë kontroll falas për kancerin e gjirit gjatë gjithë vitit (jo vetëm të bëhen gjatë fushatës kundër kancerit të gjirit).
5. Më tutje, OJQ Gruaja Bashkëkohore, avokoi tek reparti i fizioterapisë në kuadër të spitalit të Prizrenit që fizioterapia për personat me aftësi të kufizuar e cila ka zgjatur vetëm 21 ditë, të zgjas dy muaj, dhe ato e arritën me sukses këtë iniciativë.
6. Avokimi i Qendrës për Promovimin e të Drejtave të Grave ka kontribuar në adaptimin e amandamentimeve që do t'u ofrojnë shërbime dhe asistencë grave që përjetuan dhunë seksuale gjatë luftës. Ato gjithashtu u kanë ofruar të dhëna për presidentes së Republikës së Kosovës, Atifete Jahjaga. Në këtë mënyrë ato kanë kontribuar në Këshillin e Ri Kombëtar për të Mbijetuarat e Dhunës Seksuale gjatë luftës.

Shih Shtojcën I ku paraqitet lista e të gjitha granteve të dhëna përmes Fondit të Granteve të Kosovës për këtë vit, si dhe arritjet e tyre deri tani. Broshura “[Grante të vogla, ndryshime të mëdha](#)” e publikuar nga RrGGK ofron më shumë detaje rreth iniciativave të tyre.

Përveq kësaj, RrGGK ka zhvilluar kapacitetet e saj të brendshme për ngritjen e fondeve. Me qëllim të sigurimit të burimeve të ndryshme për qëndrueshmëri afatgjate të rrjetit si dhe mundësisë së reagimit të shpejt për çështje që prekin të drejtat e grave në rastet kur nuk ka afat për të siguruar fonde, RrGGK ka krijuar Fondin për Qëndrueshmërinë e RrGGK-së. Pagesat e anëtarësisë nga organizatat anëtare dhe anëtarët individual të RrGGK, si dhe organizimet për ngritjen e fondeve sikurse ishte Halloween Party i RrGGK-së që mbledhi 865.60€, që janë shumë të rëndësishme për këtë fond. Gjithashtu, stafi i RrGGK-së është trajnuar në shkrimin e projekt propozimeve të avancuara, dhe si rezultat stafi i RrGGK-së ka shkruar një projekt propozim i cili është përzgjedhur nga Zyra e Bashkimit Evropian në Kosovë dhe një projekt tjetër që për momentin është në shqyrtim.



“Ne mund t’ja dalim!” Halloween Party mbledhi 865.60€ për mbështetjen, mbrojtjen dhe promovimin e të drejtave të grave.

Rritet bashkëpunimi mes grave në rajon (dhe më gjërë) drejt drejtësisë tranzicionale, paqes dhe sigurisë

RrGGK ka vazhduar rrjetëzimin dhe bashkëpunimin me organizatat e grave nga rajoni dhe ndërkombëtare, posaqërisht lidhur me drejtësinë tranzicionale. Igballe Rogova, Drejtore Ekzekutive e RrGGK-së, është ftuar dhe kandiduar që të bëhet anëtare e Grupit të Ekspertëve Këshillues të Nivelit të Lartë për Studimin Global lidhur me implementimin 15 vjeçar të Rezolutës së Këshillit të Sigurimit të Organizatës së Kombeve të Bashkuara (RKSOKB) 1325. Ajo ka theksuar se duhet të ketë drejtësi dhe dënime për anëtarët e forcave paqeruajtëse të cilët gjatë misioneve janë përfshirë në trafikim dhe forma të tjera të dhunës në baza gjinore. Gjithashtu, para takimit ajo është takuar me aktiviste për të drejtat e grave nga rajoni, për t'u konsultuar mbi çështjet e ngritura më lartë.

RrGGK, Alternative Girl's Center nga Krushevac, Serbi dhe Association Dea Dia nga Kovacica, Serbi, të përkrahura nga Kvinna till Kvinna, organizuan Shkollën Verore Feministe si një iniciativë për ndërtimin e paqes për vajzat e reja. Nga 15 korriku deri me 21 korrik, Shkolla Verore tuboi 20 vajza nga Kosova dhe Serbia në Ohër, Maqedoni. Ato u njohtuan për historikun e lëvizjes feministe në botë dhe

“Kjo është hera e parë që pata mundësinë të takohem dhe në fakt të kem një bisedë të përzemërt me një vajzë shqiptare.”
- Pjesëmarrëse në Shkollën Verore Feministe





në Evropën Jug-Lindore; feminizmin dhe nacionalizmin; metodat e hulumtimit feminist; feminizmin e përditshëm; dhe gratë në media. Shkolla Verore Feministe krijoi afrime mes vajzave nga Serbia dhe Kosova, si dhe u ofroi atyre mjetet, idetë dhe kontaktet e nevojshme për iniciativa të përbashkëta në të ardhmen.

RrGGK gjithashtu ka bashkëpunuar me gratë nga rajoni mbi çështjet që lidhen me drejtësinë tranzicionale dhe të drejtat e lesbikeve, homoseksualëve, biseksualëve dhe transgjinjorëve (LGBT).

RRITJA E PJESËMARRJES SË GRAVE NË POLITIKË DHE VENDIM-MARRJE

Qëllimi afatgjatë i këtij programi është që gratë të marrin pjesë në mënyrë aktive në politikë dhe vendim-marrje në nivel komunal dhe kombëtar. RrGGK ka shënuar përparim drejt përmbushjes së kësaj objektive, siç paraqitet në arritjet dhe rezultatet e mëposhtme.

Rritet dhe përmirësohet pjesëmarrja e grave në politikë dhe vendim-marrje në nivel komunal dhe kombëtar

Në vitin 2014, RrGGK ka fuqizuar dhe ka inkurajuar më shumë gra të kandidojnë për pozita vendim-marrëse në nivel komunal dhe kombëtar.

Krijimi dhe funksionimi i Grupeve Avokuese për Barazi Gjinore si dhe i Lobit për Barazi Gjinore në nivel kombëtar.

RrGGK ka përkrahur krijimin e Grupeve të reja Avokuese për Barazi Gjinore (GABGj) në vitin 2014, duke e rritur numrin e grupeve në 17. Këto grupe bashkojnë më shumë se 140 gra nga shoqëria civile, asambletë komunale, zyrtare për barazi gjinore dhe burra. GABGj-të shërbejnë si platformë nëpër parti politike dhe ndarje sektoriale, duke bashkuar gratë dhe disa burra të avokojnë së bashku për të drejtat e grave në nivel komunal.

Përfaqësueset e pesëmbëdhjetë GABGj-ve u mbledhën në Durrës, Shqipëri me 28-30 mars, ku identifikuan qëllimet avokuese për komunat e tyre për vitin 2014. Drejtoresha Ekzekutive e RrGGK-së, vizitoi secilën GABGj, duke iu ofruar mbështetje dhe mentorim për iniciativat e tyre avokuese. RrGGK gjithashtu ka përkrahur shfaqjen e filmit “Engjujt e Hekurt”, i cili përmban mesazhe të rëndësishme për solidaritetin e grave për ndasit politike, fuqizimin e grave dhe strategjitë për avokim. Kjo gjithashtu është

“Ndjehemi shumë mirë që kemi pasur më shumë sukses se sa që kemi pritur, në iniciativat tona avokuese, por kjo nuk do të thotë që ne duhet të ndalemi të identifikojmë çështje të reja dhe të avokojmë për to.”

- Pjesëmarrëse

“Duke marrë parasysh rutinën e përditshme dhe sfidat me të cilat përballemi, definitivisht patëm nevojë që dikush të na kujtoj ‘të kthehemi mbrapa’, të bëhemi pozitive dhe të na demonstroj teknika të dobishme për ta bërë këtë.”

- Pjesëmarrëse

përkrahur nga institucionet lokale, përfshiu edhe kryetarët e komunave, të cilët morën pjesë në diskutime dhe ofruan hapësirat për shfaqjen e filmit.

Më vonë, me 26 deri me 27 qershor, përfaqësueset e GABGj-ve nga 15 komuna morën pjesë në takimin e dytë, të mbajtur në Brod, Dragash. Anëtarët e GABGj-ve raportuan për mbarëvajtjen e fushatave të avokimit

të përbashkët në komunat e tyre përkatëse. Edhe pse anëtarët e GABGj-ve kishin planifikuar t’i realizonin iniciativat e tyre avokuese deri në fund të vitit 2014, shumica prej komunave i realizuan ato iniciativa që në muajin qershor. Andaj, ato së bashku identifikuan qëllime të reja. Gjithashtu anëtarët e GABGj-ve

morën pjesë në punëtoritë: Fuqizimi dhe mendimi pozitiv; dhe metodat e buxhetimit të përgjegjshëm gjinor.

Me 21 nëntor, 64 anëtare të GABGj-ve mbajtën takimin e tretë në Strugë, Maqedoni. Ato raportuan për arritjet e tyre avokuese në vitin 2014 (shih Aneksin 2), që u evidentuan si rezultat i bashkëpunimit të ngushtë mes grave nga partitë e ndryshme politike dhe grave të shoqërisë civile në nivel komunal. Ato gjithashtu shtruan shembuj të ndryshëm të grave politikane të cilat ngritën çështje të rëndësishme për gratë votuese tek zyrtarët dhe anëtarët e asambleve.



Lobi për Barazi Gjinore i Kosovës, në Strugë, Maqedoni gjatë muajit nëntor

Gjatë këtij takimi, gratë nga sfera e politikës dhe shoqërisë civile nga 17 komuna, themeluan Lobin për Barazi Gjinore në Kosovë. Anëtarët vendosën që edhe burrat dhe djemtë të cilët përkrahin të drejtat e barabarta mes grave dhe burrave, të kenë mundësinë të jenë pjesë e grupit. Sipas deklaratës, anëtarët e Lobit “përkushtohen të punojnë së bashku drejt arritjes së barazisë gjinore në Kosovë, pa marrë parasysh preferencat politike, gjininë, moshën, etnicitetin, aftësitë, fenë, pozitën gjeografike, nivelin e edukimit ose statusin shoqëror-ekonomik”. Më tutje vazhdon: “Ne do të punojmë drejt përmbushjes së vizionit tonë të përbashkët për barazi gjinore nëpërmjet shkëmbimit të përvojave dhe informatave, partneriteteve, rrjetëzimit, avokimit dhe duke iu shërbyer nevojave të të gjithë qytetarëve të Kosovës”. Anëtarë të këtij lobi mund të jenë gra dhe burra, djem dhe vajza, nga gjithë Kosova, të cilët përkrahin vizionin e lobit. Të gjitha aktivitetet e GABGj-ve janë përkrahur nga ADA dhe Kvinna till Kvinna.

Politikat publike kanë ndryshuar me qëllim që të reflektojnë prioritetet e grave votuese

Në vitin 2014, avokimet e GABGj-ve të përkrahura nga RrGGK apo nga Fondi i Grave të Kosovës, arritën së paku 22 ndryshime në politika publike, të cilat u përmirësuan që të reflektojnë më mirë prioritetet e grave votuese në nivel komunal. Përveq kësaj, avokimet e aktivisteve për të drejtat e njeriut arritën të përmirësojnë gjashtë politika publike që të reflektojnë prioritetet e grave votuese në nivel kombëtar. Kjo përfshinë:

- 1) “Ligji për ndryshimin dhe plotësimin e Ligjit nr. 04/L- 054 për statusin dhe të drejtat e dëshmorëve, invalidëve, veteranëve, pjesëtarëve të Ushtrisë Çlirimtare të Kosovës, personave të dhunuar gjatë



luftës, viktimave civile të luftës dhe familjeve të tyre,” që mundëson njohjen e statusit të të mbijetuarëve të dhunës dhe të abuzimeve seksuale gjatë luftës. RrGGK e ka ngritur fillimisht këtë çështje në protestën e 8 Marsit në vitin 2012, si dhe ka avokuar për këtë ligj në muajt në vazhdim.

- 2) RrGGK dhe anëtarët e saj kanë kontribuar dhe përkrahur (bazuar në përvojat dhe nevojat e grave) Presidenten në krijimin e Këshillit Kombëtar për të Mbijetuarat e Dhunës Seksuale gjatë luftës.
- 3) Pas avokimit 10 vjeçar të RrGGK-së, në muajin shkurt qeveria ka aprovuar *Planin e Veprimeve për implementimin e rezolutës 1325 në Republikën e Kosovës*.
- 4) Qarkorja buxhetore për organizatat buxhetore qendrore për vitin 2015, përmban referenca për buxhetimin e përgjegjshëm gjinor dhe inkurajon përdorimin e saj, si rezultat i avokimit të RrGGK-së dhe GIZ tek Ministria e Financave.
- 5) Ministria e Financave ka përfshirë buxhetimin e përgjegjshëm gjinor në Kornizën Afatmesme të Shpenzimeve (KASH).
- 6) Ministria e Punës dhe Mirëqenies Sociale gjithashtu ka përfshirë barazinë gjinore dhe ka përmirësuar perspektivën gjinore brenda kapitullit të KASH-it me kontributin e RrGGK-së dhe GIZ-it.

Letrat avokuese të RrGGK në vitin 2014

RrGGK është përpjekur të sigurojë që të dëgjohet zëri i grave për çështje të rëndësishme duke shkruar letra dhe kumtesa për media (shih më lartë). Në vitin 2014, RrGGK ka shkruar katër letra drejtuar zyrtarëve mbi çështjet që janë të rëndësishme për gratë (dhe burrat) në Kosovë:

- Letër drejtuar z. Bernard Nikaj, U.D i Ministrit të Tregtisë dhe Industrisë, z. Shpend Ahmeti, Kryetar i Komunës së Prishtinës, lidhur me përmasat shqetësuese të raportuara për përmbajtjen e sulfurit në naftën e nxemjes për shkollat fillore dhe të mesme të Prishtinës. (5 shkurt)
- RrGGK u bën thirrje deputetëve të Kuvendit të Republikës së Kosovës, që të përkrahin ndryshimin dhe plotësimin e ligjit Nr. 04/L-054 për statusin dhe të drejtat e dëshmorëve, invalidëve, veteranëve, pjesëtarëve të Ushtrisë Çlirimtare të Kosovës, personave të dhunuar gjatë luftës, viktimave civile të luftës dhe familjeve të tyre. (19 mars)
- Reagim lidhur me akuzat për abuzim seksual të pacientëve në Insitutin Special në Shtime (27 mars)
- Letër e hapur Drejtuar autorit të tekstit arsimor “Kriminalistika”, recensuesëve të librit “Kriminalistika”, Këshillit Botues, Dekanit të Fakultetit Juridik, dhe Prorektore për Arsim në Universitetin e Prishtinës lidhur me gjuhën e përdorur në kapitullin “Karakteristikat e Viktimave të Marrëdhënies Seksuale me Dhunë.” (21 tetor)
- Letër drejtuar deputetëve të parlamentit të Kosovës (19 dhjetor)

Gratë në politikë, OJQ-të e grave dhe gratë votuese kanë komunikuar dhe bashkëpunuar për çështjet që gratë i konsiderojnë si prioritete

Nëpërmjet GABGJ-ve dhe Fondit të Grave të Kosovës, RrGGK ka vazhduar komunikimin mbështetës në mesin e grave në politikë dhe në shoqërinë civile (siç dëshmojnë shembujt e lartpërmendur).

Buxheti i Kosovës reflekton më shumë prioritete të avokuara nga gratë

Këtë vit RrGGK ka bërë hulumtimin dhe ka shkruar *Buxhetimi drejt Mirëqenies Sociale: Një Analizë e Shpejtë Gjinore për Informimin e Buxhetimit të Përgjegjshëm Gjinor në Ministrinë e Punës dhe Mirëqenies Sociale* – raporti i parë i këtij lloji në Kosovë. Raporti përfshin një analizë të përfituesve të të gjitha departamenteve, divizioneve dhe njësive të tjera në kuadër të Ministrisë së Punës dhe Mirëqenies Sociale (MPMS). Ai pastaj shqyrton shumat buxhetore të alokuara për gratë dhe burrat përfitues, duke identifikuar fushat e pabarazisë. Gjetjet kontribuojnë tek të dhënat specifike për buxhetin e MPMS-së për 2015-2017. *Deutsche Gesellschaft für Internationale*



*Behxhet Gaxhiqi, Këshilltarë Politik i Ministrisë për
Çështje Sociale në Ministrinë e Punës dhe
Mirëqenies Sociale dhe Edona Hajrullahu,
Kryeshefe Ekzekutive në Agjencinë për Barazi
Gjinore mbajtën fjalim në linsimin e Buxhetimit
për Mirëqenie Sociale.*

Zusammenarbeit (GIZ) GmbH ka financuar raportin dhe RrGGK ka bashkëpunuar ngushtë me MPMS. Raporti është në dispozicion në faqen e internetit të RrGGK-së në anglisht, shqip dhe serbisht.

Si rezultat i bashkëpunimit të RrGGK-së dhe GIZ-it, shembuj të buxhetimit të përgjegjshëm gjinor janë futur në qarkoret buxhetore për organizatat lokale dhe qendrore buxhetore; Komuna e Kamenicës ka përfshirë të dhëna të zbërthyer gjinore, indikatorë, objektiva dhe aktivitete në Kornizën e saj Afatmesme të Buxhetit. Ministria e Punës dhe Mirëqenies Sociale (MPMS) ka përfshirë indikatorët e rinjë nga një perspektivë gjinore në Draft-Buxhetin e saj; perspektiva gjinore është përmendur në kapitujt e KASH-it për vitet 2015-2017 të MPMS-së dhe Ministrisë së Financave. Kështu, ndërsa buxheti i Kosovës për vitin 2015 ende nuk është miratuar, RrGGK ka sinjale nga MPMS dhe Komuna e Kamenicës se dokumentet e tyre buxhetore do të përfshijnë një perspektivë gjinore të përmirësuar.

Më tej, avokimi nga GABGJ dhe anëtarët e RrGGK gjithashtu ka fuqizuar disa ndryshime në linja të veçanta buxhetore në nivel komunal (shih Shtojcën 2).

Më shumë pjesëmarrje të grave në proceset vendimmarrëse që lidhen me paqen dhe sigurinë, sipas RKSOKB 1325

Edhe këtë vit, RrGGK ka qenë shumë aktive në diskutimet në lidhje me Rezolutën e Këshillit të Sigurimit të Kombeve të Bashkuara (RKSOKB) 1325 për Gratë, Paqen dhe Sigurinë. Drejtoresha Ekzekutive e RrGGK-së, Igballë Rogova, është ftuar shumë shpesh për t'u bashkuar me Grupin Këshillues të Ekspertëve të Nivelit të Lartë të Sekretarit të Përgjithshëm të OKB-së për Studimin Global mbi zbatimin 15-vjeçar të Rezolutës 1325 të Këshillit të Sigurimit të Kombeve të Bashkuara për Gratë, Paqen dhe Sigurinë (shih gjithashtu Të arriturat 1.3). Nëpërmjet këtij Grupi Këshillues ajo e ka shpaluar përvojën e Kosovës dhe ka dhënë rekomandime në drejtim të përmirësimit të pjesëmarrjes së grave në proceset vendim-marrëse që lidhen me paqen dhe sigurinë. Lidhur me këtë çështje, ajo gjithashtu ka marrë pjesë në disa panele diskutuese të nivelit të lartë ndërkombëtar në vitin 2014 në Vjenë dhe Bruksel.

“Ne të gjitha biem dakord se fakti që Qarkorja Buxhetore 2015/01 për Komunitat inkurajon buxhetimin e përgjegjshëm gjinor është një lajm i mirë. Ne do të përdorim tregues me një perspektivë gjinore për të matur ndikimin e buxhetit mbi jetën e grave dhe burrave.”

- Anëtare e GABGj



PËRMIRËSIMI I QASJES SË GRAVE NË KUJDESHIN SHËNDETËSOR CILËSOR

RrGGK ka përparuar dukshëm drejt objektivit të saj afat-gjatë që "gratë të kenë qasje të përbalueshme në kujdes shëndetësor cilësor."

Përmirësimi i qasjes së grave në kujdesin shëndetësor cilësor

Për fat të keq, përkundër përpjekjeve të shumta, RrGGK nuk ka mundur të sigurojë fonde për shumë aktivitete të planifikuara lidhur me këtë program (p.sh., për hulumtimin mbi qasjen e grave në kujdesin shëndetësor cilësor). Edhe kështu, fal punës së madhe të anëtareve të RrGGK, përfshirë edhe përmes Fondit të Grave të Kosovës, është bërë pak përparim drejt këtij rezultati, siç demonstronhet nga rezultatet e mëposhtme.

Më shumë gra dhe vajza të vetëdijësuar për të drejtat e tyre dhe për rëndësinë e qasjes në kujdes shëndetësor; më shumë gra të vetëdijësuar si të zbulojnë shenjat e kancerit

Grantet e dhëna nëpërmjet Fondit të Grave të Kosovës kanë mbështetur përpjekjet e shumta për të avancuar njohuritë e grave në lidhje me kujdesin shëndetësor. Është ngritur vetëdija e më shumë se 1035 grave lidhur me shëndetin e tyre nëpërmjet granteve mbështetëse të Fondit të Grave të Kosovës gjatë vitit 2014. Për shembull, OJQ Luna ka organizuar ligjërata nga gjinekologu dhe ka nisur një program arsimor për zbulimin e hershëm të sëmundjeve malinje për gratë nga komunitetet rome dhe serbe. OJQ Gruaja Hyjnore dhe Shoqata për Edukim dhe Përkujdesjen e Familjes kanë ndërmarr një iniciativë të përbashkët të fokusuar në integrimin

Përveç kësaj, të paktën 727 gra kanë pasur qasje në kujdesin shëndetësor me mbështetjen e anëtareve të RrGGK-së në vitin 2014. Vita-Jeta ka ofruar kontrolla falas për osteoporozën për 606 gra, kryesisht pensioniste të cilat nuk mund të përballojnë ndryshe rentgene të tilla. Gjatë kësaj iniciative, gratë kanë nënshkruar një peticion të cilin ato do ta përdorin së bashku me Vita-Jeta për të avokuar në zbatimin e Ligjit për Shëndetësi në vitin 2015. Qendra për Promovimin e të Drejtave të Grave kanë ofruar këshillim dhe përkrahje të grupeve të grave që kanë mbijetuar dhunën seksuale gjatë luftës në Komunën e Skenderajt.



*Vita Jeta ofron kontrollë fala të osteoporozës
pë gratë, dhe në të njëjtën kohë i përfshinë
ato për të avokuar për të drejtën e tyre në
kuides cilësor shëndetësor.*

JETA PA DHUNË NË FAMILJE DHE TRAFIKIM

Pasi që RrGGK ka bërë përpjekje intensive në këtë drejtim në vitet e mëparshme, këtë vit Rrjeti është fokusuar më shumë në programet tjera më pak të trajtuara, në drejtim të zbatimit të plotë të Planit Strategjik për vitet 2011-2014. Megjithatë, disa veprime janë ndërmarrë drejt objektivit afat-gjatë që gratë të jetojnë një jetë pa trafikim dhe dhunë në familje.

Rritet vetëdija publike për legjislacionin dhe mënyrat se si të kërkohet ndihma

Rezultatet në vijim tregojnë progresin për këto të arritura.

Më shumë burra dhe gra të informuar mbi legjislacionin

Përsëri këtë vit, Një Milion në Këmbë në Kosovë *One Billion Rising Kosova* mblodhi burrat dhe gratë në fushatën “Çohuni, Vallëzoni dhe Kërkoni”, një ngjarje në rrugë në platonë afër Hotel Grandit në Prishtinë. Të premtën, me 14 shkurt burra dhe gra bënë thirrje për të ndalur dhunën ndaj grave dhe vajzave. Presidentja e Republikës së Kosovës, Atifete Jahjaga dhe stafi i saj gjithashtu morën pjesë në këtë ngjarje.

Gjithashtu, me mbështetjen e Fondit të Grave të Kosovës, *Femrat Aktive të Gjakovës* organizoi seanca informuese lidhur me dhunën në familje dhe ka monitoruar Strategjinë e Komunës së Gjakovës për këtë çështje. Kjo iniciativë rezultoi në një rritje të numrit të rasteve të raportuara ekzistuese. Ajo gjithashtu ka

kontribuar në përmirësimin e nivelit të efikasitetit, efektivitetit dhe përgjegjësisë së grupit koordinues që ofron ndihmë, parandalim, mbrojtje dhe ri-integrim në rastet e dhunës në familje.

Me mbështetjen e Fondit të Grave të Kosovës, OJQ *Venera* ka ngritur vetëdijen tek gratë që kanë përjetuar dhunë në familje, duke fuqizuar ato që të kërkojnë të drejtat e tyre të garantuara me ligj. Ato ndihmuan gratë në qasjen e institucioneve përgjegjëse për adresimin e kësaj çështje; dhe në avokimin tek institucionet përkatëse. Ato gjithashtu monitoruan seanca lidhur me rastet e dhunës në familje, si dhe rastet gjyqësore në trashëgimi dhe shkurorëzim në Gjykatën Themelore në Pejë. Ato avokuan te autoritetet për të trajtuar këto raste me seriozitet dhe drejtësi. Të dyja këto nisma të mbështetura nga RrGGK kanë kontribuar në rritjen e zbatimit të ligjit dhe strategjisë në nivel komunal.



Vajzat dhe djemtë ngrihen kundër dhunës ndaj grave dhe vajzave në “Një Milion në Këmbë” (One Billion Rising) me 14 shkurt, në Prishtinë.

MBËSHTETJA PËR FUQIZIMIN EKONOMIK TË GRAVE

RrGGK bën përpjekje të vazhdueshme drejt objektivës së saj afat-gjatë që gratë të kenë qasje të barabartë në punësim në Kosovë.

Përmirësohet gradualisht pozita ekonomike e grave në Kosovë

Duke pasur parasysh punën e RrGGK-së në këtë fushë dhe analizën e situatës, anëtarët e RrGGK vendosën që të fokusohen më shumë në avokim dhe politika, se sa në zhvillimin e bizneseve. Ky vendim është bazuar për faktin që tashmë në Kosovë egzistojnë disa programe që i përkrahin gratë në zhvillimin e bizneseve të tyre. Për më shumë, edhe Oda e re Ekonomike e Grave poashtu do të fokusohet në këtë prioritet. Prapë se prapë, RrGGK kishte disa arritje që çuan më tutje drejt realizimit të kësaj objekte në vitin 2014, siç tregohet në rezultatet e mëposhtme.



Me përkrahje të Fondit të Grave të Kosovës, Shoqata Iniciativa e Grave ka përkrahur vajzat përmes trajnimeve për aftësi profesionale dhe për avokim tek Kryetari i Komunës së Dragashit për punësim. Si rezultat, 24 gra tani janë punësuar në fabrikën e re.

Shumë gra aftësohen që të zhvillojnë dhe të menaxhojnë me sukses bizneset e tyre

Përmes Fondit të Grave të Kosovës, gjatë vitit 2014, dy organizata anëtare të RrGGK-së morën përkrahje drejt fuqizimit ekonomik të grave: Iniciativa për Fuqizimin e Grave dhe OJQ Gora. Iniciativa për Fuqizimin e Grave organizoi kurse profesionale të rrobaqepësisë për gratë. Më pas, si rezultat i avokimit të tyre, 24 u punësuan në fabrikën e hapur së voni në Dragash. OJQ Gora ushtroi së paku 17 gra nga Dragashi dhe Prishtina se si të identifikojnë tregun dhe të sigurojnë qasjen në to për produktet e tyre të punëdotes. Ato morën pjesë në një panair të organizuar në Prishtinë dhe përfituan ekonomikisht nga shitja e produkteve të tyre. OJQ Top Radio përmes trajnimeve dhe avokimit ka arritur të ndihmoj gratë pjesëmarrëse në iniciativën e kësaj organizate të hapin pesë biznese formale.

Përmirësohet qasja e grave në prona (dhe kështu edhe në kapital), në përputhje me të drejtat e tyre ligjore

RrGGK është përpjekur shumë drejt përmirësimit të qasjes së grave në pronë dhe trashëgimi. Gjatë vitit 2014, përpjekjet u fokusuan në planifikim dhe krijimin e bazës për përpjekje për ngritjen e vetëdijes dhe për përkahje në të ardhmen, siç është planifikuar në Strategjinë e RrGGK 2015-2018.



Qytetarët vetëdijësohen për të drejtat e grave në trashëgimi dhe pronë

RrGGK iu bashkangjiti fushatës "Për të Mirën Tonë" nën patronatin e Zyrës së Presidentes së Kosovës, mbështetur nga GIZ, USAID, Gratë për Gratë International, Shoqata e Grave Juriste Norma, OSBE, SHE-ERA, G7, SHPRK, Shoqata e Bankave të Kosovës, Oda Ekonomike e Grave të Kosovës dhe Shoqata e Kosovës për Gjeodezi. Kjo fushatë synon të përmirësojë barazinë gjinore në regjistrimin e pronës. Si pjesë e kësaj fushate, 75 anëtare të RrGGK nënshkruan një deklaratë për të punuar me anëtarët e tyre të stafit dhe familjeve për të regjistruar pronën në emër të grave.

RrGGK gjithashtu ka kërkuar të bashkëpunojë me Zyrën Kadastrale dhe Bankën Botërore; USAID/TetraTech; konsorciumin e udhëhequr nga GIZ të mbështetur nga Bashkimi Evropian për Mbështetjen e Kodit Civil dhe të Drejtave Pronësore; Ministria e Mjedisit dhe Planifikimit Hapësinor dhe USAID/Chemonics për të mbështetur regjistrimin e pronave të paligjshme; dhe OSBE-së. RrGGK ka shpenzuar kohë për koordinim që të sigurohet që nevojat e anëtareve të saj dhe grave të cilave u shërben të konsiderohen në këto projekte.

Përveç kësaj, përmes Fondit të Grave të Kosovës dy organizata anëtare të RrGGK kanë marrë mbështetje për punën e tyre drejt qasjes së grave në të drejtat e pronësisë: Partners Kosova dhe Shoqata e Grave Juriste Norma. Partners Kosova ka mbajtur takime me Zyrtarët për Barazi Gjinore dhe gratë dhe burrat nga Lipjani, Skenderaji, Drenasi dhe Ferizaji për ti informuar ata në lidhje me "të drejtat e grave në ndarjen e pronës dhe trashëgimisë". Në total, 109 gra dhe vajza, si dhe 34 burra dhe djem morën informata se si të avokojnë për të drejtën e gruas në pronë dhe trashëgimi.



Përveç kësaj, RrGGK ka mbështetur shoqatën NORMA për të monitoruar rastet e trashëgimisë në gjykatat e Prizrenit, Podujevës, Gjiçanit, Mitrovicës dhe Vushtrris. Ato gjithashtu u takuan me krerët e këtyre gjykatave. Gjetjet nga monitorimi u prezantuan në një tryezë të rrumbullakët ku ishin të pranishëm akterë nga institucione të ndryshme dhe shoqëria civile. Ato kanë në plan të përdorin këto gjetje për të avokuar për këto çështje në të ardhmen.

Iniciativa të rëndësishme: RrGGK lansoi Strategjinë e re

Rjeti i Grupeve të Grave të Kosovës (RrGGK), me 20 nëntor 2014, lansoi Strategjinë e re 2015-2018. Anëtarët e RrGGK-së, Bordi Drejtues, partnerët dhe palët e interesit morën pjesë në përpilimin e Strategjisë së re të RrGGK-së. Strategjia identifikon pesë prioritetet e RrGGK-së:

- Ngritja e kapaciteteve të programit të RrGGK-së;
- Gratë në politikë dhe vendim-marrje;
- Të drejtat e grave në kujdesin shëndetësor;
- Programi kundër dhunës në baza gjinore; dhe
- Fuqimizimi ekonomik i grave.



VLERËSIMI I PUNËS SË RrGGK

Në çdo takim dhe trajnim të organizuar gjatë këtij viti, anëtarët e RrGGK-së kanë vlerësuar punën e RrGGK-së përmes pyetësorëve që i kanë plotësuar në fund të secilës mbledhje. Në përgjithësi, anëtarët kanë vlerësuar shumë pozitivisht punën e RrGGK-së gjatë vitit 2014. Anëtarët kanë vlerësuar takimet e RrGGK si “shumë të rëndësishme” dhe “shumë të dobishme”, dhe punën e stafit si “të shkëlqyer”.

Këtë vit, RrGGK poashtu kaloi dy vlerësime të jashtme: Vlerësimin e Ndërmjetëm të projektit të përkrahur nga Austrian Development Agency (ADA) dhe Vlerësimin e Jashtëm të Fondit të Grave të Kosovës të përkrahur nga Kvinna till Kvinna. RrGGK i ka publikuar të dy raportet në faqen e saj të internetit me qëllim të përvetësimit të mësimave të nxjerra dhe transparencës. Vlerësuesja e projektit të financuar nga ADA, Elida Metaj, dha këtë vlerësim:

“Është vlerësuar se përkushtimi, ekspertiza, profesionalizmi dhe fleksibiliteti i stafit të RrGGK-së për të mbështetur anëtarët e RrGGK-së dhe GAG-të kanë qenë faktor primar për progresin që është bërë në lidhje me arritjen e rezultateve, qëllimit të projektit dhe objektivës së përgjithshme.”

- Elida Metaj

Në përgjithësi, është vlerësuar që është bërë përparim i madh drejt arritjes së tri rezultateve të përcaktuara të projektit, të cilat kontribuojnë në arritjen e qëllimit të projektit i cili thotë se pjesëmarrja e grave në vendim-marrje në nivel lokal është rritur dhe përmirësuar përmes ngritjes së kapaciteteve të GAG-ve dhe organizatave të shoqërisë civile të udhëhequra nga gratë, si dhe arritjes së objektivës gjithpërfshirëse të projektit që do thotë se të drejtat dhe interesat e grave

dhe vajzave përkrahen, mbrohen dhe promovohen në mbarë Kosovën. Ky vlerësim është dokumentuar me fakte nga raportet e projektit, intervistat me stafin dhe përfituesit e projektit, dhe palët e jashtme të interesit.

Përparimi drejt përmbushjes së Planit Strategjik të RrGGK 2011-2014, në vitin 2014

Tabela e mëposhtme ofron informatat e fundit lidhur me përparimin e bërë drejt përmbushjes së Planit Strategjik të RrGGK deri në muajin nëntor. Ajo përfshin vetëm arritjet e vitit 2014 (dhe jo të viteve të mëparshme). Verzioni i rishikuar, që tregon arritjet e RrGGK-së për pjesën e mbetur të vitit dhe për periudhën 2011-2014 do të publikohet në verzionin e dytë të këtij raporti, që do të publikohet në vitin 2015.

Qëllimi gjithëpërfshirës	Arritjet	Rezultatet	Indikatorët	Arritjet gjatë vitit 2014 (nëntor)	Totali 2011/14
I. Grupet dhe organizatat e grave në Kosovë, në rajon dhe në botë	I.1 Sigurimi i një komunikimi dhe bashkëpunimi të rregullt dhe të vazhdueshëm mes anëtareve të	I.1.1. Anëtarët e RrGGK-së të informuara me iniciativat e anëtareve tjera, aktivitetet e	# i anëtareve të RrGGK dhe palëve të tjera të interesit që marrin pjesë në takimet e rregullta dymuajore dhe ato vjetore	418	418

		I.1.2. Puna e RrGGK-së dhe e anëtareve të saj më e promovuar tek partnerët potencial, tek aktivistet e grave në mbarë botën dhe tek përkrahësit potencial	# i ndjekësve që “pëlqejnë” faqen e Facebook-ut të RrGGK	3995	3995
			# i vizitave nga lexues të ndryshëm (p.sh. moshë, lokacioni gjeografik) në faqen e Facebook-ut	1353 nga Kosova, 901 nga Serbia, 210 nga SHBA, 148 nga Shqipëria; 31% të moshës 18-24; 39% të moshës 25-34	1353 nga Kosova, 901 nga Serbia, 210 nga SHBA, 148 nga Shqipëria; 31% të moshës 18-24; 39% të moshës 25-34
			# i vizitorëve në faqen e internetit të RrGGK	40,601	40,601
			# i vizitorëve unik në faqen e internetit	20,186	20,186
			Komentet në faqen e internetit dhe faqen e Facebook-ut të RrGGK	Shumica pozitive	Shumica pozitive
			# i klikimeve në faqen e internetit	525,331	1,445,791

		I.1.3. Më shumë aktiviste të reja të përfshira në RrGGK, FemACT	# i vajzave aktiviste të përfshira në RrGGK	212	298
I.2. Përmirësohen kapacitetet institucionale të RrGGK-së dhe anëtareve të saj drejt ngritjes së kapaciteteve avokuese dhe qëndrueshmërisë afatgjate të rrjetit	I.2.1. U shënua rritje në zbatimin e Kodit të Mirësjelljes në mesin e anëtareve	Rritja e zbatimit të Kodit të Mirësjelljes, që dokumenton ngritjen e kapaciteteve të anëtareve		66%	66%
	I.2.2. Anëtarët e RrGGK aftësohen për të ngritur fonde, për të planifikuar në mënyrë më efektive dhe për të ndërmarr iniciativë më efektive avokuese	Rritja e # të projekteve të dorëzuara nga anëtarët		50	149
		Rritja e # të grave të përfshira në vendimmarrje përmes granteve të dhëna për anëtarët		1,832	2,094
		Rritja e # të iniciativave avokuese të ndërmarra nga anëtarët		30	68

			# i iniciativave avokuese që janë efektive në arritjen e rezultateve	25	45
	1.3. Rritet bashkëpunimi mes grave në rajon (dhe më gjërë) drejt drejtësisë tranzicionale, paqes dhe sigurisë	1.3.1 Rritet bashkëpunimi mes grave në rajon dhe identifikimi i çështjeve të përbashkëta	Rritja e # të takimeve mes grave në rajon	6	17
			Rritja e # të përpjekjeve bashkëpunuese të ndërmarra nga gratë në rajon	3	11
2. Gratë marrin pjesë në mënyrë aktive në politikë dhe vendim-marrje në nivel lokal dhe qendror	2.1 Përmirësohet pjesëmarrja e grave në politikë dhe vendim-marrje në nivel lokal dhe qendror.	2.1.1. Më shumë gra janë zgjedhur dhe janë caktuar në nivel lokal dhe qendror.	Rritja e # të grave të votuara nga qytetarët në nivel lokal në komunat e targetuara, gjatë zgjedhjeve lokale	Nuk është në dispozicion N/A	110
			Rritja e # të grave të caktuara në pozita vendim-marrëse në nivel lokal	N/A	30
			Rritja e # të grave të votuara nga qytetarët në nivel qendror	14	14

			Rritja e # të grave të caktuara në pozita vendim-marrëse në nivel qendror	12	23
		2.1.2. Krijimi dhe funksionalizimi i 17 Grupeve Avokuese për Barazi Gjinore, si dhe i Lobit për Barazi Gjinore në nivel kombëtar.	# i takimeve të mbajtura (vetëm nga RrGGK) të Grupeve Avokuese të Grave	12	22
			# i anëtareve të ndryshme që marrin pjesë në takime	183	183
			Prioritetet e grave votuese të ngritura nga gratë politike në debatet brenda partive politike dhe/ose në parlament.	26	32
		2.1.3. Politikat publike ndryshojnë në mënyrë që të paraqesin	# i politikave publike të përmirësuara me qëllim që të paraqesin prioritetet e grave votuese në nivel lokal	25	30

		prioritetet e grave votuese.	# i politikave publike të përmirësuara me qëllim që të paraqesin prioritetet e grave votuese në nivel qendror	6	9
		2.1.4. Gratë në politikë, gratë nëpër OJQ dhe gratë votuese komunikojnë dhe bashkëpunojnë me rregullisht lidhur me çështjet që gratë i konsiderojnë prioritetet.	> kontakti në mes të grave politikane dhe atyre votuese (# i takimeve të mbajtura Prioritetet e grave votuese të ngritura nga gratë politikane në debatet brenda partive politike dhe/ose në parlament.	12	26
		2.1.5. Buxheti i Kosovës reflekton më shumë prioritetet e avokuara nga gratë	# i linjave të ndryshuara buxhetore që paraqesin prioritetet e grave votuese në nivel lokal	26	32
				7	7

3. Gratë kanë qasje në shërbime cilësore shëndetësore	3.1. Përmirësimi i qasjes së grave në shërbime shëndetësore cilësore.	3.1.1. Është bërë hulumtimi mbi gjendjen e shërbimeve në institucionet shëndetësore publike	Të dhënat e raportit të publikuar shpërndahen në masë të madhe	Nuk ka fonde	Nuk ka fonde
		3.1.2. Më shumë gra dhe vajza janë të informuara mbi të drejtat e tyre për qasje në kujdesin shëndetësor; Më shumë gra vetëdijësohen për zbulimin e hershëm të kancerit të gjirit dhe të mitrës.	Rritja e # të grave të ndryshme që kanë qasje në shërbime shëndetësore	727	3,484
			Rritja e # të grave dhe vajzave të informuara për të drejtën e tyre dhe rëndësinë e qasjes në shërbime shëndetësore (matësi: # i grave që marrin pjesë në takimet vetëdijësuese të RrGGK-së; mbulimi medial)	1,035	4,042

		3.1.3. Rriten cilësitë e shërbimeve shëndetësore.	Gratë raportojnë për kujdes më të madh nëpër klinika si rrjedhojë e fushatës dhe monitorimit të dytë	Nuk ka fonde	Nuk ka fonde
4. Gratë të jetojnë jetë pa trafikim dhe dhunë në familje.	4.1. Përmirësimi i zbatimit të ligjeve dhe strategjive kundër trafikimit dhe dhunës në familje.	4.1.1. Është rritur zbatimi i Ligjit dhe Strategjisë kundër trafikimit dhe dhunës në familje.	Përmirësim i zbatimit të ligjeve ekzistuese dhe rregullorës për dhunën në familje dhe trafikimin, siç tregohet në raportet monitoruese të RrGGK-së	Nuk ka fonde, por duket se ka përmirësime	Nuk ka fonde, por duket se ka përmirësime
	4.2. Rritja e vetëdijësimit publik mbi legjislacionin dhe si të kërkohet ndihma.	4.2.1. Më shumë qytetarë janë informuar për legjislacionin, përfshirë edhe burrat	Rritja e # të qytetarëve (përfshirë edhe burrat) që janë vetëdijësuar për legjislacionin (indikator matës: mbulimi dhe arritshmëria mediale)	(N/A)	200.000
			# i qytetarëve që marrin pjesë në takimet vetëdijësuese rreth dhunës në familje	540	816

5. Gratë kanë qasje të barabartë në mundësitë e punësimit në Kosovë	5.1. Përmirësohet gradualisht pozita ekonomike e grave në Kosovë	5.1.1. Është fuqizuar grupi punues brenda RrGGK-së dhe ka krijuar strategji	# i pjesëmarrësve në takimet e mbajtura në ekonomi	Nuk aplikohet	27
			# i pjesëmarrësve në takimet e mbajtura në ekonomi	Nuk aplikohet	3
			# i organizatave të përkrahura në punën e tyre për fuqizimin ekonomik të grave	4	30
			Egziston strategjia për fuqizimin ekonomik të grave	I	I
			Sigurohen fonde për përmbushjen e strategjisë	Po	Po
		5.1.2. Më shumë gra janë të gatshme të krijojnë dhe menaxhojnë	Rritja e # të grave që janë të gatshme të fillojnë dhe menaxhojnë biznese	5	228
			Rritja e # të grave që kanë çasje në kapital dhe treg	58	142

		biznese të suksesshme	Më shumë vajza vijojnë nivele më të larta të arsimimit	6	6
	5.2. Përmirësohet qasja e grave në pronë (dhe kështu edhe në kapital), në përputhje me të drejtat e tyre ligjore	5.2.1. Më shumë qytetarë janë të informuar për të drejtat e grave për trashëgimi dhe pronë.	Rritja e # të qytetarëve/familjeve të vetëdijësuar lidhur me rëndësinë që ka fakti që gratë dhe burrat duhet të kenë të drejta të barabarta mbi pronën	130	179
		Më shumë gra mundohen të sigurojnë të drejtën e tyre për trashëgimi dhe pronë	Rritja e # të grave të vetëdijësuar për të drejtat e trashëgimisë që iu garantohen me ligj	95	95
Totali:					96%

Të arriturat kryesore në përmbushjen e të strategjisë 2011-2014


- Gjatë viteve 2011-2014, RrGGK ka arritur objektivin e saj të përgjithshëm për këtë Program që organizatat dhe grupet e grave në Kosovë, rajon dhe në nivel ndërkombëtar të bashkëpunojnë dhe të komunikojnë rregullisht, si dhe organizohen rreth çështjeve me interes të përbashkët. Ka përfshirë të paktën 323 vajza të reja aktiviste në lëvizjen e grave në Kosovë dhe më gjerë: Iniciativa për Fuqizimin e Vajzave të Reja, Forumi i Feministeve të Reja, si dhe puna si praktikante për vajzat e reja kanë fuqizuar udhëheqëse të reja.
- Është rritur pjesëmarrja e gruas në politikë dhe vendim-marrje në nivel komunal dhe kombëtar: për shembull, ndërsa 16 gra u zgjodhën për kuvendet komunale në vitin 2007, vlerësohet se 51 u zgjodhën në vitin 2013. Gra të tjera janë emëruar në pozita vendim-marrëse. RrGGK ka fuqizuar shumë gra për të kandiduar për poste në politikë. RrGGK ka përfshirë rreth 1,380 gra të ndryshme në proceset e vendim-marrjes që nga dhjetori i vitit 2012. Ka mbështetur themelimin e 15 grupeve avokuese për Barazi Gjinore që bashkojnë gra të shoqërisë civile, gra anëtare të asamblesë komunale dhe nëpunësit civilë në avancimin e barazisë gjinore në nivel komunal. Ato kanë bashkëpunuar për të sjellë disa ndryshime të rëndësishme të politikave në nivel komunal, të tilla si qasje më të mirë në transportin publik që mundëson gratë dhe vajzat për të pasur qasje në arsimim dhe punë; dhe mbështetje buxhetore për avancimin e barazisë gjinore.
- Me mbështetjen e RrGGK, rreth 3417 gra kanë pasur qasje në kujdesin shëndetësor që nga viti 2012. Vita-Jeta, fituese e grantit nga Fondi i Grave të Kosovës (FGK) të RrGGK, u ka mundësuar qindra

grave, kryesisht pensioniste, që të mësojnë lidhur me osteoporozën dhe të përfitojnë kontrolla falas dhe/ose me zbritje për diagnostifikim. Kontrollat u kanë mundësuar grave që të identifikojnë shenja të osteoporozës më herët në mënyrë që ato të mund ta trajtojnë atë.

- Me mbështetjen e RrGGK, rreth 3430 gra dhe vajza janë vetëdijësuar për të drejtat e tyre në qasjen e kujdesit shëndetësor.
- RrGGK ka bashkëpunuar me ekspertët dhe anëtarët e saj për të siguruar të dhëna dhe për të punuar për miratimin e shumicës së ligjeve dhe politikave të lartpërmendura drejt adresimit të dhunës në baza gjinore në Kosovë.
- Si rezultat i drejtpërdrejtë i mbështetjes nga FGK, më shumë se 41 gra, kryesisht nga zonat rurale, kanë siguruar punësim.
- Drejt përmirësimit të qasjes së grave ndaj pronës dhe trashëgimisë, RrGGK ka qenë një anëtare aktive e fushatës në Kosovë "Për të mirën tonë", e cila rezultoi që RrGGK të mobilizojë 75 organizata/individë në tërë Kosovën që të angazhohen për të punuar me familjet e tyre dhe anëtarët të regjistrojnë pronat në emër të grave (që nga nëntori 2014). Përpyekjet e anëtareve të RrGGK për rritjen e vetëdijes kanë bërë të paktën 179 qytetarë (burra dhe gra) më të ndërgjegjshëm për të drejtën e grave për trashëgimi dhe pronë.

RAPORTI FINACIAR I RrGGK PËR VITIN 2014

Në vitin 2014, RrGGK pranoi mbështetje financiare nga Kvinna till Kvinna (Ktk), Austrian Development Agency (ADA), Fondacioni Mott, New School University, Fondacioni IPKO, Heart and Hand Foundation Association for Women in Development (AWID), Network of East-West Women (NEWW), Deutsche Gesellschaft für Internationale Zusammenarbeit (GIZ) dhe Zyra e Bashkimit Evropian në Kosovë. Më tutje, këto biznese ofruan të mira dhe shërbime pa pagesë apo me çmime të zbritura dhe në këtë mënyrë mbështetën punën tonë: Llamp, Hotel Prishtina, Microsoft, Hotel Dolce Vita, Grant Hotel, Hotel Sirius, dhe Night Design. Tabela e mëposhtme përmbledhë të gjitha të hyrat dhe shpenzimet në vitin 2014.



Siç ilustron në grafikun e mësipërm, 15% e shpenzimeve të RrGGK janë bërë për shpenzime operative dhe 26% për shpenzime të programit. Shpenzime tjera të programit përfshijnë grantet e dhëna nëpërmjet Fondit të Grave të Kosovës total 10%. Deri në fund të vitit 2014, 49% e fondeve janë bartur për tu shpenzuar gjatë vitit 2015 nga projekti trevjeçar i financuar nga Austrian Development Agency dhe nga iniciativa dyvjeçare e financuar nga BE.

Të ardhurat e përgjithshme	655,293.42	100%
Shpenzime operative	101,227.72	15%
Shpenzimet e programit	172,283.01	26%
Shuma e granteve që është dhënë anëtareve	63,915.00	10%
Bartur për vitin 2015	317,867.69	49%

Donatori	Projekti	Të bartura nga viti 2013	Të pranuar në vitin 2014	Të gjitha fondet e pranuar	Shpenzimet deri me 31.12.2014	Fondet e kaluara tek anëtarët e RrGKK	Të shpenzohe n/të barten
Austrian Development Agency	Mbështetja, mbrojtja dhe promovimi i të drejtave të grave dhe vajzave			236,000.00	24,682.04		211,317.96
EU Commission	Fuqizimin e organizatave të shoqërisë civile të udhëhequra nga gratë në Kosovë			106,014.26	212.3		105,801.96
GIZ	Buxheti i përgjegjshëm gjinor		12,643.58	12,643.58	12,643.58		0.0
New School	Historia Gojore		1,102.84				0.00
<i>Unë e du Kosovën</i>	Historia Gojore		2,000.00				0.00
Kontribute individuale, përmes East	Fondi për Qëndrueshmëri		1,374.00				0.00

Donatori	Projekti	Të bartura nga viti 2013	Të pranuar në vitin 2014	Të gjitha fondet e pranuar	Shpenzimet deri me 31.12.2014	Fondet e kaluara tek anëtarët e RrGGK	Të shpenzohe n/të barten
West Management Institute							
Pagesat e anëtarësisë së organizatave të RrGGK	Fondi për Qëndrueshmëri		1,260.00				0.00
Pagesat e anëtarësimit individual	Fondi për Qëndrueshmëri		750.00				0.00
Heart and Hand Foundation	Fondi për Qëndrueshmëri		370.00				0.00
Pagesa e Ekspertës së RrGGK (Shevolution)	Fondi për Qëndrueshmëri		286.00				0.00

Donatori	Projekti	Të bartura nga viti 2013	Të pranuarë në vitin 2014	Të gjitha fondet e pranuarë	Shpenzimet deri me 31.12.2014	Fondet e kaluara tek anëtarët e RrGGK	Të shpenzohet n/të barten
Kontributet e anëtareve të RrGGK në takimin në Durrës	Fondi për Qëndrueshmëri		1,150.00				0.00
Kontributet e qytetarëve gjatë organizimit për Halloween	Fondi për Qëndrueshmëri		815.00				0.00
IPKO Foundation	Përkrahje e përgjithshme / Fondi i Grave	2,422.64		2,422.64	2,422.64		0.00
Nën-totali (nga lartë)	Fonde për Iniciativën e Historisë Gojore	3,170.00	4,205.64	7,375.64	7,375.64		0.00

Donatori	Projekti	Të bartura nga viti 2013	Të pranuar në vitin 2014	Të gjitha fondet e pranuar	Shpenzimet deri me 31.12.2014	Fondet e kaluara tek anëtarët e RrGGK	Të shpenzohet n/të barten
Nën-totali (nga lartë)	Fonde për Fondin e Qëndrueshmërisë	1,715.56	6,005.00	7,720.56	6,972.79		747.77
Totali		41,952.20	271,326.97	655,293.43	273,510.74	63,915.00	317,867.69

INDEPENDENT AUDITOR'S REPORT

To: EXECUTIVE MANAGAMENT OF KOSOVO WOMENS NETWORK (KWN)
PRISHTINA

We have audited the costs and supplementary financial data of Kosova Women's Network (KWN) expresses in EUR, for the period ended Decemcber 31, 2014. We expressed an unqualified audit opinion on those financial statements in our report dated 27 March 2015.

Management's Responsibility for the Summary Financial Statements

Management is responsible for preparing financial statements and supplementary financial data. This responsibility includes: designing, implementing and maintaining internal control relevant to the preparations and fair presentation of financial statements that are free from material misstatements, prove income and expenditure according the budget.

Auditor's Responsibility

Our responsibility is to express an opinion on the aforementioned financial information based on our audit. We conducted our audit in accordance with International Standards on Auditing. Those standards require that we plan and perform the audit to obtain reasonable assurance about whether the reporting forms are free of material misstatement. An audit includes examining, on a test basis, evidence supporting the amounts and disclosures in the reporting forms. An audit also includes assessing the accounting principles used and significant estimates made by management, as well as evaluating the proper accounting and reporting of the data on the financial statements. We believe that our audit provides a reasonable basis for our audit opinion.

Opinion

In our opinion, the summary financial statements derived from the audited financial statements of Kosovo Women's Network (KWN) expresses in EUR, for the period ended December 31, 2014 are a fair summary of those financial statements in accordance with the International Financial Reporting Standards.

Xhemail Syla
Statutory auditor
"Sylë Hotla" #1
Pristine

XHEMAIL SYLA
Auditor Lektor
Statutory Auditor
No. 56921, Prishtine



PËR NE

Bordi Drejtues i RrGGK

Ariana Qosaj-Mustafa, Kryetare e Bordit, Aktiviste për të Drejtat e Grave
Elmaze Gashi, Sekretare, Drejtore Ekzekutive, Alter Habitus
Belgjzare Muharremi, Drejtore Ekzekutive, Dera e Hapur
Nermin Mahmuti (janar – gusht)
Ola Syla, Drejtore Ekzekutive, Shoqata e Grave “Drita e Krushes”
Sevdije Ahmeti, Aktiviste për të Drejtat e Njeriut
Zana Hoxha Krasniqi, Drejtore Ekzekutive, Artpolis

Bordi Këshillëdhënës i RrGGK

Behar Selimi
Besim M. Kajtazi
Delina Fico
Lepa Mladjenovic
Marte Prekpalaj
Rachel Wareham
Shqipe Malushi



Anëtarët e Stafit të RrGGK në vitin 2014

Igbalje (Igo) Rogova, Drejtore Ekzekutive
Besa Shehu, Menxhere Financiare dhe Administrative
Nicole Farnsworth, Menaxhere e Programit
Zana Rudi, Kordinatore e Projektit për Anëtarët
Nertila Qarri, Kordinatore për Marrëdhënie me Publikun
Mimoza Pachuku, Kordinatore e Projektit për Fondin e Grave të Kosovës
Anita Prapashtica, Asistente e Projektit
Donjetë Berisha, Asistente për Marrëdhënie me Publikun
Donjeta Morina, Kordinatore për Vajzat (shtator - dhjetor)



(Shumica) e stafit të RrGGK rrugës për në retreat me Shqipe Malushin.

Anëtarët e stafit të RrGGK me gjysmë orari dhe të projekteve afat-shkurtëra

Ada Shima, Hulumtuese per Buxhetimin e përgjegjshëm gjinor (prill-qershor)
Dea Pallaska O'Shaughnessy, Hulumtuese/Asistente për Buxhetimin e përgjegjshëm gjinor (qershor-shtator)
Fjolla Vukshinaj, Kordinatore për Vajzat (shkurt-mars)
Jeta Rexha, Asistente, Kordinatore e Iniciativës së Historisë Gojore
Kaltrina Krasniqi, Drejtore Artistike për Iniciativën e Historisë Gojore (gusht-dhjetor)
Venera Çoçaj, Asistente e Projektit/Praktikante për Iniciativën e Historisë Gojore (shkurt-prill)



Personat që kanë punuar vullnetarisht për RrGGK

Anna Di Lellio, Ada Shima, Bleona Foniqi, Dea Pallaska O'haughnessy, Delina Fico, Georges L. J. Labrèche, Jennifer Davidson, Kaltrina Krasniqi, Krenar Basha, Miloš Ćirić, Miranda Muharremi, Monique Nicole Morin, Oda Haliti, Safete Rogova, Sarah Maliqi, Venera Çoçaj

Anëtarët/et Individual/e të RrGGK

Ada Shima
Alba Loxha
Ana Jara Gómez
Angelika Arutyunova
Arber Sylejmani
Ariana Qosaj-Mustafa
Arta Sejdiu
Besa Shehu
Dea Pallaska O'haughnessy

Delina Fico
Elisabeth Kaestli
Ethel Farnsworth
Etleva Durmishi
Frank and Sue Farnsworth
Hajrulla Ceku
Hana Marku
Hans Fridlund
Ideal Hoxha

Igballe Rogova
Itziar Mujika
Kathleen Noh
Krenar Basha
Lepa Mladjenovic
Lumnije Mehmeti
Laura Prescott
Merita Shasivari
Mimoza Pachuku

Mevlude Murtezi
Nicole Farnsworth
Rrezarta Veseli
Sadete Gerbeshi
Sherafedin Shehu
Shqipe Mehmeti
Shqipe Murati
Shqipe Pantina
Xhevrije Doroci



Organizatrat Anëtare të RrGGK

#	Organizata	Adresa e zyrës	Përfaqësuesja
1	Alma	Rr. Shpëtim Bojku, Nr.1, Pejë	Shemsije Seferi
2	Alter Habitus	Prishtinë	Eli Gashi
3	ATO	Rr. Wesli Clark, Pn, Vushtrri	Fikrije Ferizi
4	Aureola	Kompleksi Avalla, B/I, Nr. 4, Prishtinë	Sanije Grajçevci
5	Arta	Rr. Vetërniku I, Behar Begolli, Nr. 23, Prishtinë	Hafije Qyqalla
6	Artpolis	Rr. Shaban Polluzha, Pn, Prishtinë	Zana Hoxha Krasniqi
7	Bardha	Prishtinë	Raza Sadrija
8	Bliri	Drenas, Glllogoc	Mahije Smajli
9	Dera e Hapur	Tringë Smajli, Nr. 72, Prishtinë	Belgizare Muharremi
10	Dora Dorës	Rr. Mbreti Zog, Nr. 59, Prizren	Vjosa Curri
11	Down Syndrome Kosova	Kroi i Bardhë, Nr. 72, Dardania, Prishtinë	Leonora Shabani
12	Drena	Drenas	Zymrije Qorri
13	EMINA – Grupi i Grave Boshnjake	Rr. 7 Shtatori, Jakup Ferri, Mitrovicë	Fata Zatriqi
14	FANA	Rr. Zhuj Selmani, Nr. 103, Pejë	Fane Gashi
15	Femrat Aktive të Gjakovës	Rr. Sulejman Vokshi, Nr. 1, Gjakovë	Valbona Doli Rizvanolli
16	Femra Vizionare e Shekullit XXI	Fsh. Bregdrini, Has, Prizren	Marte Prekpalaj

#	Organizata	Adresa e zyrës	Përfaqësuesja
17	Forumi Demokratik i Gruas (FDG)	Rr. Mbretëresha Teutë, Nr. 103, Pejë	Myzafere Ibishaga
18	Fondacioni për Edukim dhe Zhvillim	Bregu i Diellit - Zona e Lindjes, Ll. 12, Nr. 7, Prishtinë	Vjollca Zeqiri
19	Flaka	Rr. Skenderbeu, Lipjan	Melihate Dedushi
20	Gruaja Bashkëkohore	Rr. Bajo Topulli, Nr. 7	Fetije Mehmeti
21	Gruaja Hyjnore	Rr. Sadullah Brestovci, Gjilan	Igballe Hajdari
22	Gratë e Minatorëve	Fshati Suhodoll, Mitrovicë	Emine Tahiri
23	HANDIKOS, Femrat me Aftësi të Kufizuara	Dardania B 1 /5, Prishtinë	Mehreme Llumnica
24	Hendifer	Rr. Ramadan Rexhepi, Nr. 1, Ferizaj	Fazile Bungu
25	Iniciativa për Zhvillimin e Bujqësisë së Kosovës (IADK)	Rr. Ulqini, Nr. 74, 40.000, Mitrovicë	Magbule Hyseni
26	Komiteti i Grave të Verbëra të Kosovës (KGVK)	Bregu i Diellit, Rr. Gazmend Zajmi, Ndërtesa e Standardit, Prishtinë	Bajramshahe Jetullahu
27	Kelmendi	Fshati Kelmend - Lipë	Valbona Kelmendi
28	Konvita	Dolak, Vushtrri	Merita Selimi
29	Klubi i Basketit me Karroca (KBK) Marsi	Prizren	Nafije Gashi
30	Legjenda	Viti	Melihate Osmani
31	LIRA	Prishtinë	Valire Buza
32	Lulebora	Mentor Retkoceri, Nr. 9b, Prishtinë	Selvetë Gashi
33	Lulishtja	P. F. Keqekollë, Dabishevc	Sadije Dulahu

#	Organizata	Adresa e zyrës	Përfaqësuesja
34	LUNA	Prilluzhë, Vushtrri	Stanica Kovacevic
35	Medica Kosova	Rr. Luigj Gurakuqi 39, Gjakovë	Veprorre Shehu
36	Mundësia	Rr. Vëllezërit Dragaj, Nr. 4, Mitrovicë	Hasime Tahiri Hasani
37	Medika BL	Kalabria, Prishtinë	Bukurije Leti
38	Ne jemi pjesë e botës	Rr. Lidhja e Pejës, Pn, Pejë	Gjylfidane Morina
39	OJQ SHIPPL	Rr. Mbreteresha Teuta, NN, Pejë	Ardiana Gorani
40	One to One Kosova	Rr. Caraleva, Nr. 36, Prizren	Merita Halitaj
41	Organizata e Gruas së Pavarur Kosovare (OGPK)	Magjistralia Fushë Kosovë - Prishtinë	Rudina Llapashtica
42	Organizata e Personave me Distrofi Muskulare e Kosovës (OPDMK)	Rr. Zahir Pajaziti, Pn, Prizren	Resmija Rahmani
43	Organizata Ndërkomunale e të Verbërve dhe me të Pamurit e Dobësuar	Rr. Hysen Rexhepi, Pn, Prizren	Miradije Buqaj
44	Shoqata e Avokatëve NORMA	Rr. Afrim Vitija, Nr. 3/ I, Prishtinë	Valbona Salihu
45	Shoqata e Grave Bletare (SHGB) "Okarina e Runikut"	Runik, Skënderaj	Fetije Smakaj
46	Shoqata e Fermereve dhe Fermerëve "Shpresa e Llapit"	Podujevë	Selvet Fetahu
47	Shoqata e Fermereve dhe Fermerëve "Rukolla"	Prugovc	Sanije Berisha

#	Organizata	Adresa e zyrës	Përfaqësuesja
48	Prehja	Rr. 28 Nëntori, pn, Skënderaj	Ajnishahe Halimi
49	Psikoterapeutet në Veprim	Rr. Dardania, Nr. 1, Gjilan	Sevdije Musliu
50	Parajsa Jonë	Babush i Muhaxherëve, Lipjan	Sylbije Sahiti
51	Partners Kosova Center for Conflict Management	Dardania, SU 1/2, Kati 3, Nr. 11, Prishtinë	Shukrije Gashi
52	Qendra e Grave për Zhvillim Rural	Bostan, Novobërdë	Shefkije Mehmeti
53	Qendra për Mbrojtjen dhe Rehabilitimin e Grave dhe Fëmijëve "Liria"	Rr. 28 Nëntori, pn, Gjilan	Nazife Jonuzi
54	Qendra Kosovare për Luftimin e Kancerit të Gjirit JETA/VITA	Rr. Tringë Smajli, Prishtinë	Nafije Latifi
55	Qendra Kosovare për Rehabilitimin e të Mbijetuarve të Torturës (QKRMT)	Rr. Hamëz Jashari, 16 b/2, 10000 Prishtinë	Feride Rushiti Sebahate Pacolli
56	Qendra Kosovare për Studime Gjinore (QKSGJ)	Nëna Terezë, Nr. 18/1, Prishtinë	Luljeta Vuniqi
57	Qendra Psikosociale "Aureus"	Ulpianë, DI, Hyrja 8, Nr. 7, Prishtinë	Myrvete Ahmetaj
58	Qendra për Hulumtime dhe Politikë Gjinore (QHPGj)	Rr. Josip Relat, 13/18, Prishtinë	Vjollca Krasniqi
59	Qendra për Mbrojtjen e Viktimave dhe Parandalimin e Trafikimit me Qenie Njerëzore (MVPT)	Prishtinë	Hamijet Dedolli

#	Organizata	Adresa e zyrës	Përfaqësuesja
60	Qendra për Mirëqenien e Gruas (QMG)	Pejë	Ardita Ramizi Bala
61	Qendra për Trajnime dhe Studime Gjimore (QTSGJ)	Rr. Luan Haradinaj, 9/4, Prishtinë	Diamant Binaku
62	Qendra e Kosovës për Zhvillim dhe Integrim Multikulturor	Rr. Fehmi Agani, Nr. 17, Gjakovë	Elvane Qorri
63	Rrjeti i Organizatave të Grave Rome, Ashkali dhe Egjiptase të Kosovës (RROGRAEK)	Rr. UÇK, Banesa Nr. 1, Prishtinë	Shpresa Agushi
64	Qendra për Promovimin e të Drejtave të Grave	Qendra Tregtare, Nr. 42, Drenas	Kadire Tahiraj
65	Qendra e Grave Optimiste	Prishtinë	Emine Mehmeti
66	RONA	Rr. Ilaz Agushi, Prishtinë	Serbeze Sylejmani
67	Ruka + Ruci	Ugljare, Fushë Kosovë	Nevenka Rikallo
68	RIKOTTA	Rr. Adem Gllavica, Nr. 48, Prishtinë	Pranvera Bullaku
69	Shoqata e Grave Dritarja	Fshati Krajmir, Lypjan	Hanife Qeriqi
70	Shoqata e Grave GORA	Rr. Haxi Zekaj, Nr. 20, Prishtinë	Sevdija Ramadani
71	Shoqata për Edukim dhe Përkujdesjen e Familjes (SHEPF)	Rr. Nënë Tereza, Nr. 181, Gjakovë	Bahrije Deva
72	Shoqata e Grave Femere “Krusha e Vogël”	Krusha e Vogël, Bregdrini, Prizren	Dile Prekpalaj

#	Organizata	Adresa e zyrës	Përfaqësuesja
73	Shoqata e Grave Drita e Krushës (ShGDK)	Dardania SU 4/4, FS, Krushë e Madhe, Rahovec	Ola Syla
74	Shoqata e Grave të Mitrovicës për të Drejtat e Njeriut	Rr. Isa Boletini, Mitrovicë	Vetone Veliu
75	Shoqata Iniciativa e Grave	Rr. Dëshmorët, pn, Dragash	Gjejrane Lokaj
76	Shoqata e Femrave me Aftësi të Kufizuara “Femrat për Femra”	Rr. Zahir Pajaziti, pn, Prizren	Drita Vukshinaj
77	Shoqata e Grave “Medica Gjakova”	Rr. Fadil Nimani, Nr. 34, Gjakovë	Mirlinda Sada
78	Shoqata e Femrave të Shurdhëra (SHFSH)	Rr. William Volker, Nr.53	Krenare Hajredini
79	Shoqata Afariste e Gruas SHE-ERA	Rr. Qemajli, Nr.9, Qarshia e Jupave, Gjakovë	Mirlinda Kusari Purrini
80	Shoqata e Grave “Begatia”	Fshati Klinë e Epërme, Skënderaj	Hyra Tahiri
81	Shpresa & Shtëpitë e Fëmijëve	Taslixhe, Prishtinë	Valbona Çitaku
82	Shqiponjat e Dardanës	Kushnicë, Graçanicë	Havushe Bunjaku
83	Top Radio	Rr. Sadik Pozhegu, Gjakovë	Violeta Dema
84	Venera	Rr. Shpëtim Bojku, Nr. 1, Pejë	Miradije Gashi
85	Violetë	Barilevë, Prishtinë	Bedrije Shala Pireva
86	Vita – Jeta	Rr. Lidhja e Prizrenit, Nr. 132, Prishtinë	Ajshe Nuhui
87	Vullneti i Grave	Rr. 2 Maji, Studime, Vushtrri	Lirije Haziri

Shtojca 1. Grantet e Fondit të Grave të Kosovës në vitin 2014

Tabelat e mëposhtme përmbledhin të gjitha grantet e ndara nga Fondi i Grave të Kosovës gjatë vitit 2014.

Organizata	Data	Vendi	Shuma	Rezultati
Raundi 4				
Shoqata Iniciativa e Grave	01.12.2013 - 30.03.2014	Dragash	3,000 €	Avokoi tek kryetari i komunës të Dragashit që të ndihmojë në punësimin e vajzave në fabrikën e sapo hapur në Dragash. Prej gjithsej 33 vajzave të cilat kanë ndjekur kursin e rrobaqepësisë të Inicativës së Grave, 24 janë punësuar në këtë fabrikë (për më tepër informata shih më poshtë).
Hendifer	01.12.2013 - 28.02.2014	Ferizaj	2,630 €	Avokuan që spitali në Ferizaj të ketë aparat të mamografisë me të cilin mund të kryhen kontrollat e kancerit të gjirit. Falë avokimit të suksesshëm, sot spitali i Ferizajit, disponon dy aparate të mamografisë.
Shoqata për Edukimin dhe Përkujdesjen e Familjes	01.12.2013 - 30.03.2014	Gjakovë	2,390 €	Avokoi te Drejtoria e Arsimit në Gjakovë që edukimi shëndetësor të jetë pjesë e kurrikulës shkollore. Si rezultat i kësaj, viti i ri shkollor 2014, filloi me dy pilot projekte në Gjakovë.
Organizata e Personave me Distrofi	01.12.2013 - 30.01.2014	Prizren	2,700 €	Avokoi tek insitucionet publike në Prizren për të lehtësuar qasjen në institucione publike për personat me aftësi të kufizuara. Pas avokimit të tyre të suksesshëm, institucionet në Prizren kanë

Muskulare të Kosovës				krijuar pjerrina për personat me aftësi të kufizuara (në karroca), të cilat poashtu do t'iu sjellin lehtësime edhe të tjerëve që përballen me sfida në lëvizshmëri, përfshirë prindërit me karroca të fëmijëve dhe të moshuarit.
Gruaja Bashkëkohore	01.12.2013 - 30.05.2014	Prizren	2,155 €	Avokoi te Drejtoria e Shëndetësisë në Komunën e Prizrenit për kontroll falas për kancerin e gjirit dhe të mitrës. Më herët këto kontrolla kanë qenë falas vetëm gjatë fushatës kundër kancerit të gjirit. Pas avokimit të tyre të suksesshëm, gratë mund të bëjnë kontrolla falas gjatë tërë vitit. Ato poashtu avokuan edhe tek reparti i fizioterapisë në spitalin e Prizrenit për zgjatjen e trajtimit të pacientëve nga 21 ditë në dy muaj, gjë që është arritur.
Alma	01.12.2013 - 28.02.2014	Pejë	2,854 €	Identifikoi nevojat e vajzave dhe grave në zonat rurale të komunës së Pejës dhe i informoi ato më shumë për mundësitë e punësimit dhe qasjen në arsim. Kërkesat e grave dhe vajzave në këtë region përfshijnë: çdo shkollë të ketë psikolog; të lirohen nga shpenzimet të gjithë fëmijët që nuk kanë mundësi financiare për të blerë librat, dhe paguar transportin, etj., për të ndjekur mësimet në shkollën e mesme; të ofrohen më shumë kurse profesionale, veçanërisht për gra në mënyrë që ato të mund të punësohen dhe të pavarësohen.

Gora	01.12.2013 - 30.04.2014	Prishtinë /Dragash	2,780 €	Ushtri gratë nga Dragashi si të identifikojnë dhe të konkurojnë në tregje, për t'i plasuar punimet e tyre të dorës. Gratë morën pjesë në panairin e organizuar në Prishtinë. Ky projekt ju ndihmoi grave nga Dragashi dhe Prishtina të fuqizohen ekonomikisht duke shitur produktet e tyre dhe duke zgjeruar biznesin.
Raundi 5				
Shqiponjat e Dardanës	15.05.2014 - 15.10.2014	Kishnicë/ Graçanicë	2,804 €	Bëri hulumtim për pozitën e gruas në rethinën e Graçanicës dhe mandej bazuar në faktet e rezultuara nga hulumtimi avokoi tek Komuna e Graçanicës për rritjen e numrit të grave të Kishnicës dhe regjioneve tjera të Graçanicës që marrin pjesë në proceset vendimmarrëse. Si rezultat i kësaj, Shqiponjat e Dardanës krijuan bashkëpunim të ngushtë me disa departamente të këtij institucioni si dhe u bë pjesë e Grupit Jo-Formal të Grave të Komunës së Graçanicës. Ato në të ardhmen do të avokojnë së bashku për çështjet e grave në këtë rajon.
Fondacioni për Edukim dhe Zhvillim	15.05.2014 - 31.07.2014	Novobër dë	2,665 €	Ka mbajtur trajnime për banorët e tri komuniteteve që jetojnë në rajonin e Novobërdës duke i ushtruar se si duhet të avokojnë tek institucionet lokale. Ky grup ka mbledhur rreth 500 nënshkrime nga banorët dhe pastaj kjo kërkesë është dorëzuar në Kuvendin Komunal. Grupi avokues më tutje ka avokuar tek Kryetari i Komunës i cili e ka futur këtë çështje në listën e prioritetëve të Komunës.

Vita-Jeta	15.05.2014 - 15.11.2014	Prishtinë	2,812 €	Ofroi kontrolla të osteoporozës për 600 gra. Me iniciativën e fundit, gratë kanë nënshkruar një peticion të cilin Vita-Jeta bashkë me anëtarët e saj do ta përdorin si mjet avokimi për të kërkuar zbatimin e Ligjit për mbrojtje shëndetësore, i cili pritet të hyjë në fuqi në vitin 2015.
Shoqata e Gruas Violetë	15.05.2014 - 15.11.2014	Barilevë/ Prishtinë	2,780 €	OJQ Violeta ka organizuar takime me vajzat nga komuniteti romë, ashkali dhe egjiptas, për të ngritur vetëdijën tek vajzat për rëndësinë e shkollimit. Tri vajza vazhduan shkollimin si rezultat i këtyre takimeve.
Partners Kosova	15.05.2014 - 15.07.2014	Prishtinë	2,880 €	Partners Kosova mësoi gra dhe burra nga Lipjani, Skënderaj, Drenasi dhe Ferizaji për “Të drejtat e grave në ndarjen e pronës dhe në trashëgimi”. Zyrtarë për barazi gjinore nga këto komuna ishin gjithashtu prezent në këto trajnime. Pjesëmarrësit ndan informata dhe iu përgjigjen pyetjeve për të drejtën e pronës.
Shoqata e Juristeve Norma	15.05.2014 - 15.08.2014	Prishtinë	2,810 €	Monitoruan lëndë të trashigimisë në Gjykatat Themelore në Prizren, Podujevë, Gjiilan, Mitrovicë dhe Vushtrri. Ato poashtu zhvilluan takime me kryetarët e këtyre gjykatave. Të dhënat e monitorimit janë prezantuar në një tryezë të rrumbullakët ku kanë qenë të pranishëm edhe zyrtarë dhe përfaqësues të shoqërisë civile. Të njëjtat do të përdoren për të avokuar në të ardhmen.

Femrat Aktive të Gjakovës (FAGj)	15.05.2014 - 15.09.2014	Gjakovë	2,780€	FAGj organizoi sesione informative kundër dhunës në baza gjinore dhe monitoroi Strategjinë e Komunës së Gjakovës për këtë çështje. Iniciativa rezultoi në rritje të raportimit të numrit të rasteve egzistuese. Më tutje, ajo kontriboi në përmirësimin e shkallës së efektshmërisë, efektivitetit dhe përgjegjësisë së trupit koordinues që ofron përkrahje, parandalim, mbrojtje dhe ri-integrim për rastet e dhunës në baza gjinore.
Femra Vizionare e Shekullit XXI	15.05.2014 - 15.08.2014	Has, Gjakovë	2,885€	Ka organizuar gjashtë tryeza të rrumbullakëta në fshatrat e Hasit për t'i informuar gratë dhe vajzat për sëmundjet e kancerit të gjirit dhe qafës së mitrës. Ato poashtu kanë ngritur vetëdijen e qytetarëve për këto sëmundje duke organizuar katër emisione në TV me një mjeke e cila u është përgjigjur drejtpërdrejt shikuesve në pyetjet e tyre. Përmes kësaj inicative kanë përfituar shërbime shëndetësore pa pagesë 20 gra në Gjakovë.
Raundi 6				
OJQ Bliri	08.07.2014 - 24.11.2014	Drenas	2,957 €	Ka ndërmarrë iniciativën “Përmirësimi i qasjes së grave në shërbime shëndetësore kualitative,” duke synuar të sigurojnë më shumë përkrahje nga Komuna e Drenasit dhe Drejtoria e Shëndetësisë brenda komunës lidhur me këtë çështje. Poashtu, synon që të sigurojë kontrolle mjekësore falas për gratë dhe vajzat.

OJQ Dora Dorës	08.07.2014 - 30.10.2014	Prizren	3,000 €	Iniciativa e OJQ Dora Dorës kontribon në vazhdimsinë e politikave gjinore duke planifikuar synime të reja për periudhën e 2015-2017; dhe duke përgatitur e aprovuar Planin e Veprimit për Arritjen e Barazisë Gjinore për 2015-2017 në Komunën e Prizrenit.
Shoqata Iniciativa e Grave	08.07.2014 - 30.09.2014	Dragash	3,000 €	Me përkrahjen e kryetarit të Komunës së Dragashit, shoqata organizoi pjesëmarrjen e grave dhe vajzave nga ky regjion në dëgjimin publik të planit buxhetor komunal për vitin 2015 (duke përfshirë edhe mundësinë e transportit për ato). Si rezultat, 40 gra morën pjesë për herë të parë në një proces të tillë. Ato gjithashtu avokuan tek Kryetari i Komunës së Deçanit për përkrahje të programeve me perspektivë gjinore që targetojnë gratë në këtë regjion.
Luna	01.08.2014 - 31.10.2011	Prilluzhë/ Vushtrri	2,410 €	Organizoi takime mes grave nga komuniteti lokal, përfaqësuese të OJQ-së, dhe insitucionet e qeverisjes lokale dhe qendrore. Ato poashtu organizuan ligjërata nga gjinekologët, punëtori me gra nga komuniteti romë dhe serb, një tryezë të rrumbullakët ku morën pjesë palë të ndryshme të interesit dhe një program edukativo-infomativ për zbulim të hershëm të sëmundjeve malinje.
Qendra për Promovimin e të Drejtave të Grave	08.07.2014 - 30.10.2014	Drenas	3,000 €	OJQ-ja identifikoi të mbijetuar tjerë të dhunës të kryer gjatë luftës në fshatrat e Komunës së Skënderajit. Qendra përkrah gratë që kanë përjetuar dhunë të tillë duke i vizituar ato dhe duke organizuar takime diskrete. Kjo ka ndihmuar që të krijohet një rrjet, si dhe grupet përkrahëse që e lehtësojnë rehabilitimin e tyre.

OJQ Dera e Hapur dhe OJQ Ruka Ruci	01.08.2014 - 28.11.2014	Prishtinë /Fushë Kosovë (Uglare)	8,000 €	Këto dy organizata kanë bashkëpunuar në “Fuqizimin e grave të marginalizuara përmes ofrimit të njohurive dhe vetëdijësimit për Ligjin mbi Barazinë Gjinore, Ligji No. 2004/2.” Që të dy organizatat synojnë që gratë të gëzojnë të drejtat e tyre dhe të arrijnë barazinë gjinore përmes zbatimit të plotë të Ligjit për Barazi Gjinore dhe kornizave të tjera ligjore që ndërlidhen me të.
Shoqata për Edukimin dhe Përkujdesjen e Familjes dhe OJQ Gruaja Hyjnore	08.07.2014 - 24.11.2014	Gjakovë/ Gjilan	8,000 €	Këto dy organizata u fokusuan në sëmundjet seksuale të transmetueshme dhe varësinë nga droga e alkooli. Ato u takuan me përfaqësues të Drejtorisë së Arsimit dhe Drejtorin e Inspektoriatit të Arsimit në Gjakovë dhe Gjilan për të kërkuar bashkëpunim dhe përkrahje lidhur me përfshirjen e edukatës seksuale në kurrikulën shkollore.
Qendra e Gruas “Ato”	08.07.2014 - 30.09.2014	Vushtrri	2,850 €	Avokuan së bashku me prindërit nga pesë fshatra të Vushtrrisë, me qëllim që Departmenti i Arsimit në Vushtrri të sigurojë transport falas për fëmijët të cilët jetojnë më larg se 5 kilometra nga shkolla. Si rezultat, fshati Sllakovc siguroi menjëherë transportin pa pagesë, ndërsa 4 fshatrat tjera do ta sigurojnë atë në fillim të vitit 2015.
Shoqata e Femrave të Shurdhëra – Prizren	08.07.2014 - 24.11.2014	Prizren	2,600 €	Gratë e shurdhëra në zonat rurale e theksuan mungesën e interpretuesve të gjuhës së shenjave si një pengesë për të pasur qasje në trajtime gjinekologjike gjatë shtatzënisë. Shoqata e Femrave të Shurdhëra ndërmori iniciativën “Gratë të bëhen aktive në mbrojtjen e shëndetit të tyre” drejt përmirësimit të

				shëndetit të grave dhe vajzave dhe duke ngritur kualitetin e shërbimeve parandaluese.
Shoqata Ndërkomunale e të Verbërve – Prizren	08.07.2014 - 24.11.2014	Prizren	2,620 €	Ndërmori iniciativën “Zbatimi i Ligjit për Persona të Verbër” duke avokuar tek drejtoritë e targetuara për të realizuar të drejtat dhe përfitimet që ofron ligji për personat e verbër, siç janë: transporti urban falas dhe ai ndërrurban me 50% lirim të biletave për personat e verbër dhe personat që i shoqërojnë ata; lirimi nga taksat komunale për pronë; qasja në informata; dhe lirime në përdorimin e rrymës.
OJQ Top Radio	08.07.2014 - 24.11.2014	Gjakovë	3,000 €	Me përkrahje të asambleistëve komunale, arriti të heq taksat për gratë e Gjakovës të cilat duan të fillojnë biznesin e tyre. Si rezultat, pesë gra filluan binzeset e tyre.
OJQ Venera	08.07.2014 - 30.09.2014	Pejë	2,467 €	Iniciativa “Dhuna ndaj Grave nuk është çështje familjare” ngriti vetëdijen tek gratë të cilat kanë përjetuar dhunë në familje, duke i fuqizuar ato që të kërkojnë të drejtat e tyre të garantuara me ligj. Ato iu ndihmuan grave t’iu qasen institucioneve përgjegjëse për ta adresuar këtë; dhe të avokojnë tek institucionet relevante. Ato poashtu monitoruan seancat që lidhen me dhunën në familje, si dhe rastet e gjyqeve mbi trashëgiminë dhe divorcin në Gjykatën Themelore në Pejë. Më pas ato avokuan tek autoritetet për t’i trajtuar rastet më me seriozitet dhe në mënyrë të drejtë.

Shtojca 2. Të arriturat e avokimit nga Grupet Avokuese për Barazi Gjinore (GABGj) në vitin 2014

GABGj	Iniciativa Avokuese
Dragash	- Komuna ka filluar ofrimin e mundësive të edukimit jo-formal për vajza. - Gratë tash janë të përfshira në Komitetet Komunale. 24 gra janë punësuar në fabrikën e re në Dragash.
Vushtrri	- Qeveria përkrah gratë fermere, përfshirë edhe me makina mjelëse, dhe duke ndihmuar një grua fermere që të përfitojë një hektar tokë që rezulton me punësimin e shumë grave të tjera. - Hapën një fabrikë në Vushtrri ku u punësuan 24 gra. - OJQ ATO mblodhën 8,000 nënshkrime për peticionin për përkrahjen e grave të dhunuara gjatë luftës. - Pesë vajza të shkollës së mesme nga vendet rurale përfituan transport falas dhe libra nga Drejtoria për Arsim, që u mundësoi atyre të vazhdojnë shkollimin.
Ferizaj	- Siguruan paisje të mamografit për spitalin. - Një projekt i veçantë që targeton nënat vetushqyese, veçanërisht ato në zona rurale, ofron përkujdes ditor në kopshte të fëmijëve.
Prishtinë	- Gratë asambleiste përkrahën aktivitetin e dhurimit së gjakut. - Përafërsisht 500 gra bën mamografi falas gjatë muajit për Vetëdijësimin për Kancerin e Gjirit.
Obiliq	Tri nëna vetushqyese janë punësuar në biznese.

GABGj	Iniciativa Avokuese
	• Komiteti për Politikë dhe Financa më parë nuk kishte asnjë anëtare grua, ndërsa tani i ka tri gra. • Organizuan panairë në qendër të Prishtinës ku gratë shitën produktet e tyre. Të hollat u përdorën për bamirësi. • Shuma e të hollave të përdorura për shërbimet që u ofrohen jetimëve, u rrit nga 150 € në 300 €.
Drenas	• U mbledhën 4500 nënshkrime për peticionin për gratë e dhunuara gjatë luftës. • 4 gra u punësuan në kuzhinat e shkollave. • Si rezultat i avokimit të tyre, 8 gra fermere morën donacione nga buxheti i komunës. • Komuna ka ofruar hapësirë pa pagesë për gratë për 20 vite. Rreth 30 gra do të marrin pjesë në kurse të rrobaqepësisë dhe 10 prej tyre do të punësohen.
Gjilan	• Strehimoret kanë më shumë burime të financimit. • Programi i veçantë i ri-integrimit ka filluar të implementohet. • Duke i përdorur të hollat e mbledhura në një gala mbrëmje, Kryetari i Komunës ofroi dy shtëpi për dy gra që kanë përjetuar dhunë në familje. • Ndërmarrësia sociale ka filluar.

Rrjeti i Grupeve të Grave të Kosovës

Rr. Hajdar Dushi C-2 II/8

10000 Prishtinë, Kosovë

+381 (0) 38 245 850

www.womensnetwork.org

info@womensnetwork.org

[Facebook: Kosova Women's Network](#)

